

MOHLOMPHEGI, RE RATA GO BONA JESU



Dumela feela;
Dumela feela, dumela feela,
Dilo tšohle di a kgonega, dumela feela.

² Ge re inamiša dihlogo tša rena bjale bakeng sa lentšu la thapelo, ke a makala ke ba bakae mo ba ka ratago go gopolwa, go no phagamišetša seatla sa gago godimo, le go dira kgopelo ya gago e tsebje? Go lokile. A re rape leng.

³ Tate wa rena wa Magodimong, re leboga Wena ka se, monyetla wo mogolo wo re nago le ona wa go kgobokana mmogo gape pele ga go Tla ga Morena. Gomme re a rapela, Tate, gore ye e ka se no ba kgobokano ya go tlwaelega mmogo, eupša e tla ba kgobokano go Wena, ka ditlemong tša lerato le kopanelo ya Gago. Re a rapela gore O tla phološa yo mongwe le yo mongwe yo a tlago kopanong. Tlatša bao ka Moya wo Mokgethwa ba ba O dumilego botelele bjalo, Tate. Fodiša motho yo mongwe le yo mongwe a babjago le go tlaišega. A nke re dule ka tlhomphokgolo gomme re homole, re letetše Wena, le go letela go tla ga karabo yeo re e rapeletšeego botelele bjalo. Segofatša modiša yo, Ngwanešu Vick, le Ngwanešu Boze le bohle badiredi ba bangwe, bohle bagwera ba rena. Bjale re gafela renabeng, le moago wo, go Wena. Leineng la Morena Jesu, gore ge re sa kgobokane mo, O tla re šomiša bakeng sa letago la Gago. Amene. Amene. (Dulang.)

⁴ Ke monyetla wo mobjalo go ba mo. Ke letile botelele nako ye . . . ye nngwe ya dintlhakgolo tša . . . Bjalo ka ge ke boletše go modiša, mosong wo, leeto la ka e be e le go kopana le Ngwanešu Vick, le go ba le nako ye ya kopanelo le yena le lena batho.

⁵ Ga ke tle New York gantši kudu. Go lebega o ka re ke . . . Ke dula ka Tucson, Arizona, le a tseba, gomme ka mehla ke direla ntle ka Bodikela kua. Gomme re lokišetša go ya mošwamawatle bjale, gonabjale, bakeng sa ye nngwe e nyakile go ba leeto la lefase ka bophara. Gomme kafao go tseba gore ke swanetše go tla New York pele ke eya ka mošola, ka kgonthe ke e tšea monyetla wo mogolo le tšhegofatšo go tšwa go Modimo go ba fa le lena.

⁶ Bjale, ga ke tle, bjalo ka ge le tsebile pele, go emela kereke e ka ba efe ye e itšego goba kerekeleina e ka ba efe ye e itšego, goba thutotumelo e ka ba efe. Ke no rata Morena, gomme yo mongwe wa lena, kafao re no ba fa go Mo hlankela. Gomme bjale, gomme re Mo hlankela bjalo ka . . .

⁷ O re, "Gabotse, ge o bolela le rena, Ngwanešu Branham, ke rena, gomme e—e direla Morena." Gabotse, ge le dumela morago, gomme mmogo re direla Morena. Bobedi bja rena mmogo re dira ngatana.

⁸ Le a tseba, ke be ke šoma bjalo ka ramohlagase. Gomme ke hwetša gore o ka kgona go ba le lethale le le nago le moela wo montši, eupša ga le na le maatla go fihla le hlometšwe. Kafao ge le hlometšwe, morogo o hwetša dipolo, moela. Kafao re—re swanetše go ba le dikarolo bobedi tša lethale, go—go le dira e šome gabotse.

⁹ Gomme ge go ka tsoge gwa ba polelo ye bjalo ya go makatša, gomme efela ga go yo motee go Le dumela, Le tla hloka maatla. Eupša ge go na le yo mongwe go Le dumela, gona Le ba maatla ka kgonthe. [Ngwanešu o re, "Re a dumela."—Mor.] Gomme re... Ke a go leboga, ngwanešu. Seo ke se sebotse. Ke rata seo, "Re a dumela." Seo ke se re lego mo bakeng sa sona.

¹⁰ Gomme ka therešo ke dumela gore re no ba re lebane le tiragalo ye nngwe ye kgolo. Ke—ke a tshepa ke go Tla ga Morena. Go ba... Re a tseba se sengwe se swanetše go fa tsela, lefase le ka tlase ga ngangego ye ntši kudu. Gomme go na le se sengwe sa phošo. Yo mongwe le yo mongwe o tseba seo. Gomme ke—ke a dumela gore re lebane le selo se sengwe se segolo, gomme ke a dumela, ka pelo ya ka yohle, gore ke go Tla la bobedi ga Morena Jesu. Gomme ke a tshepa gore O tla tšhollela Moya wa Gagwe godimo ga rena, gomme o tla re utollela dilo tše re swanetšego go di dira go lokela go Tla ga Gagwe.

¹¹ Bjale, ke a lemoga, go tla fa le Ngwanešu Vick, baena ba, ke... Ke mošomo wo mogolo, ka gore go bile banna ba bantši ba bagolo ka mo, diboledi tše kgolo tša khuetšo. Ke be ke ekwa Ngwanešu William Booth-Clibborn, nako ye nngwe, ke bolela ka go ba le kopano ye telele le Rock Church. A ke boletše yeo gabotse? Ke Rock Church. Gomme ke e bitša "kereke ya matlapa," nako yohle. Kafao ke sohle ke... Gomme kafao, le banna ba bangwe ba bantši ba bagolo ba ba bego ba le mo ba etela. Gomme ke hlologetše go ba le kereke nnamong. Gomme go kopana le banna... Goba go tla ka phuluphitthing moo batho ba theeditšego banna ba ba bjalo ka bao, le modiša wa lena, Ngwanešu Boze, Ngaka Lee Vayle, le ba bantši ba badiredi ba bangwe bao ba bagolo, go—go mohuta wa go ntira ke ikwele ke le yo monnyane gabotse. Eupša ke mo go dira karolo ya ka ka go se. Mohlomongwe monwana o ikwela bonnyane gabotse go—go monagano, eupša efela o—o swanetše go dula o le monwana. Le a bona, re—re swanetše go ba le wona.

¹² Kafao bjale feelsa sehlogo se sennyane sa go tlwaelega, gore re se dule botelele kudu, sehlogo se sennyane seo ka mehla ke se tsebišago go kopano, le nako le nako ge ke leka go ya go dikologa felotsoko go fapano.

¹³ Re be re eya go ba le mothalo wa thapelo, bošegong bjo, wa go rapelela balwetši ka go . . . ka mo—mo mothalong wa thapelo. Gomme morwa wa ka, mo ke kopanego le ba go ratega . . . ba bangwe ba batho ba kereke ya letlapa, mosong wo, Rock Church, ntshwareleng. Ngwanešu Boze o mpoditše gore seo e be e le ka gobane ke be ke etšwa Bodikela, lebaka ke e bitšago le—le letlapa; ntle kua ba e bitša letlapa, mo ba e bitša leswika. Kafao ke kopana le batho bale ba bakaone, gomme ba . . . re ne se sengwe le se sengwe se beilwe lenaneong, ke rile, “Bjale ke tla ya godimo.” Gomme ba mphile sehlopha sa dikarata tša thapelo, ba rile, “Tšeа tše gomme o be le morwa wa ka go di fa, gore re kgone go rapelela balwetši.” Gabotse, o be a sa tsebe re be re eya go e dira ka tsela yeo, kafao yena le ba bangwe ba baena ba be ba le ntle gomme ba ile, gomme ga se ba tsena ka nako go fa dikarata tšeо. Eupša ke a nagana ba šetše ba tsebišitše ka tsela ye nngwe ba tla be ba di fa gosasa, go le bjalo ke yona, ka fao ba tla bego ba di fa gosasa.

¹⁴ Eupša ke naganne nako yeo, bošegong bjo, ka tsebišo ye nnyane ya se re nyakago go bolela ka sona.

¹⁵ Bjale, batho ba bantši, ba bolela ka—ka phodišo Kgethwa goba thuto e ka ba efe ye nngwe ka Beibeleng, selo sa pele re se hwetšago, sešitiši se segologologolo, ke, batho ba leka go e aga e ka ba moragorago ka go lebaka le le fetilego goba godimodimo ka go lebaka la ka moso, goba go godimo kudu moo go sego yo motee a ka kgonago go e fihlelela. Bjale yoo e no ba diabolo a dira seo.

¹⁶ Gobane, Beibele e rile, “O a swana maabane, lehono, le go ya go ile.” Ka mehla O dula a le Modimo. Gomme O no ba yo mogolo le batho ba Gagwe, ge A hwetša badumedi lehono, bjalo ka ge A kile a ba. Gomme—gomme ke dumela Lentšu go ba Beibele ye, go ba Lentšu la Modimo, feela e sego bontši gomme e sego bonnyane. Ke a tseba gore Modimo a ka kgonago go dira dilo tše A sego a di ngwala ka Beibeleng, ka baka la gore Yena ke Modimo. Eupša ge feela ke tseba gore se ke Mmonago a se dira, O se ngwadile ka fa, gore O tla se dira, gona ke a tseba ke nepile, ka tsela yeo. Gomme kafao O . . . Ee, O boloka bontši bjoo, go tla lekanelo go nna, gobane ke bona ka fale gore, “O gobaditšwe bakeng sa dikarogo tša ka, o tlapirigantšwe bakeng sa bokgopo bja ka, kotlo ya khutšo ya ka godimo ga Gagwe, ka megogoma ya Gagwe ke fodišitšwe.” Kafao seo seo se fetša leeto bakeng sa ka.

¹⁷ Gomme—gomme O e tshepišitše, gore re . . . O tla re tsoša mo letšatšing la mafelelo, kafao re lebeletše nako yeo go tla. Bakgethwa ba bantši ba bohlokwa ba letile, ka nnete, bakeng sa iri yeo.

¹⁸ Bjale, se, Modimo o swanetše go ahlola ba—ba batho, lefase. Re a dumela go tla letšatši leo ge Modimo a tla ahlola lefase ka

Jesu Kriste. Bjale go swanetše go ba le selekane tsoko, felotsoko, seo A swanetšego go ahlola ka sona.

¹⁹ Gabotse, gobane batho ba bantsi kudu lehono ba tla re, “Gabotse, ke nna,” ebile le batho ba re ke bona, “Kriste,” gomme, “Ke nna Kriste,” gomme, “ke nna wa Kriste,” gomme, “kerekeleina ye ke ya Kriste, goba, kerekeleina ye.” Go be go tla gakantšha gannyane ge go be go se selekane tsoko.

²⁰ Bjale ge ke eya go botšiša batho ba Katoliki ka moagong fa, bošegong bjo, “A le, le nagana gore Modimo o tla ahlola lefase ka eng?”

Ba be ba tla re, “Gabotse, selekane sa kereke ya Katoliki.”

²¹ Nka no botšiša mohlomongwe ka kerekeleina tsoko ye nngwe. Gobaneng, e be e tla re, “Gobaneng, selekane sa kereke ya ren.” Ba be ba ka no se be thwi—thwi go e bolela, eupša ditiro tša rena di netefatša seo ke se re se naganago. Eupša gona ke kereke efe e bego e tla ba nnete? Le a bona, re be re ka se tsebe re ya kae. Gomme gona ga se ka sehlopha e ka ba sefe se itšego, kereke e ka ba efe, kerekeleina e ka ba efe.

²² E ya go ba ka Lentšu la Gagwe. Le a bona, seo ke selekane. Le a bona? Ka gore O boletše ka go ya 1, Johane, Mokgethwa Johane tema ya 1, “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga rena, wa go swana maabane, lehono, le go ya go ile.” Kafao *Le* ke selo se tee seo A ka kgonago go ahlola lefase ka sona, seo bohole ba rena re tla swanelago go arabela go sona, Puku ye. Gomme kafao ke a tshepa gore Modimo o tla bula Puku ye beke ye, go rena, ka go Melaetša ya boebangedi, le ka ditlhathollo tše A tla di fago, Yenamong, tša Lentšu la Gagwe, feela ka tsela ye Le ngwadilwego, le go Le hlatholla go rena, gomme morago a ipontšha Yenamong go phela fa le rena, go—go—go dira seo.

²³ Bjale go na le dilo tše ntši tše re ka kgonago go di bolela. Gomme batho ba ka kgona go bolela e ka ba eng, ke a thanka, ba kganyogago go e bolela. Eupša go Modimo go e bolela, seo se a e lokiša. Gomme ka gona ge Modimo a e bolela, gomme ka gona a tla morago le go netefatša gore O e boletše, gona ga go na potšišo fale, ge go lokile.

²⁴ Bjale a re, ge le nyaka ka mokgwa wo mongwe go latela dihlogo tše tša Lengwalo; Ke a bona, ke a dumela ba tšeа theipi godimo fa. Gomme ke a dumela bjale, pele re bala, gape go tla ba le . . .

²⁵ Ke swanetše go bolela ka Lamorena. A yeo ke nnete, Ngwanešu Vick? [Ngwanešu Vick o re, “Nnete.”—Mor.] Ka Lamorena mosong goba Lamorena—Lamorena bošego? [“Mašego, ohle go kgabola beke.”] Mašego, ohle go kgabola beke. [“Ya.”] Gomme ga go ditirelo tše mosegare, ga go ditirelo tše mosegare. Go lokile. Bjale, gomme gona re tla . . .

²⁶ Ke ba bakae ba ka ratago go ba le tirelo ya phodišo, go rapelela balwetši? A re boneng diatla tša lena, godimo go kgabola. Oo, nna! Go ka go—go ka bontši, ka bontši, ke a thankā masomesenyane senyane makgolong le masomesenyane senyane makgolong. Seo e ka ba . . . Gabotse, seo se kaone. Eupša re . . .

²⁷ Bjale, phodišo Kgethwa ga se Molaetša ohle. Jesu o beile, ke a nagana ba tleleimile, e ka ba diphesente tše masomeseswai tša bodiredi bja Gagwe di be di le go phodišo Kgethwa. Eupša bjalo ka—ka mohu Ngwanešu Bosworth . . . Ba bantši ba lena le be le tseba Ngwanešu F. F. Bosworth, wa bomodimo, monna yo mokgethwa. O be a fela a bolela, gore, “Phodišo ye Kgethwa e no ba bjalo ka tšeletši godimo ga huku. Ga o tsoge wa laetša hlapi huku, o e laetša tšeletši.” Gomme o . . . Gomme—gomme kafao phodišo Kgethwa ke ye nnyane. Gomme o ka se tsoge wa dira bogolo ka bonnyane, eupša bo iša go bogolo. Kafao, re—re bona se.

²⁸ Gomme Beibele ke therešo, Lentšu le lengwe le le lengwe. Gomme ke ikwela gore re ka kgona go lekeletša soulo ya rena godimo ga Lentšu e ka ba lefe la Beibele. Ke Lentšu la Modimo, gomme nka no se be le tumelo go lekanelo go le dira lohle le digatše, eupša ka kgonthe ke a dumela gore e ka dirwa, ge re na le tumelo go lekanelo go le dumela. Ee, ge ba ka le dumela.

²⁹ Bjale ka go Puku ya Mokgethwa Johane 12:20. Bontši bja lena bao le bilego ka dikopanong pele, ye e tla ba tema ya go tlwaelega kudu, gobane ke e šomiša bjalo ka go bula sehlogo go tsebiša se ke nyakago go se bolela go kgabola beke, le se re nyakago go bolela ka sona, gomme morago Bahebere 13:8. Ka go Mokgethwa Johane 12:20.

Gomme go be go le Bagerike ba ba itšeego magareng ga bona ba ba tlidego godimo monyanyeng go rapela:

Ba go swana kagona ba tlide go Filipi, yo a bego a le wa Bethesda wa Galelia, gomme ba mo kganyoga, ba re, Bahlomphegi, re rata go bona Jesu.

³⁰ Gomme ke nyaka go tšeа feela mantšu a mahlano go tšwa go seo. *Mohlomphegi, Re Rata Go Bona Jesu. [Ka Seisimane: Sir, We Would See Jesus—Mof.]* Gomme ka gona go Bahebere 13:8.

O a swana maabane, . . . lehono, le go ya go ile.

³¹ Bjale ge A swana, gomme, dipelo tša rena bošegong bjo, ke na le nnete gore ke bolelela le ba sego nene kudu ka kopanong ye, gore dipelo tša rena di no swarwa ke tlala go bona Jesu Kriste bjalo ka ge Bagerike bale ba bile. Re . . . Ga go yo a ka tsogego a kwa ka Yena, yo a ka se nyakego go—go Mmona. E bile tlhologelo ya pelo ya ka go tseba kgonthe.

³² Gomme go beng le bo—bo—bo boitemogelo bja mphaphathi mohuta wa go lefa godimo gannyane bakeng sa go hlōka thuto ga ka, ka go ba le go mekamekana le mabodumedi a mangwe,

bjalo ka Buddha, le—le Mohammedan, le mehuta ya go fapana ya mabodumedi. Ke a bone go dikologa le go dikologa lefase, bjalo ka ge ke sepetše, le go lebelela ka go ona le go a fatiša. Eupša go ne Therešo e tee feela yeo ke dumelago e lokile, yeo ke ye, Bokriste, le a bona, gomme ka gona ke—ke bjona bo nnoši bo ka kgonago go netefatša gore Mothomi wa bodumedi bjo ga se a hwa. Bjale ke . . .

³³ Ba rwala, ba ne pere e dutše go . . . goba e eme, a ke re, mo lebitleng la Mohammed, gomme ba a dumela letšatši le lengwe o tla tsoga le go napitla lefase tlase ka go phenyo. Gomme, eupša o hwile. O dutše a hwile mengwaga ye mmalwa ye makgolo. Buddha o hwile e ka ba mengwaga ye makgolo a masomepedi tharo ya go feta, o be a le rafilosofi ka—ka Japane, China.

³⁴ Eupša bjale bodumedi bja rena, bja Kriste, O hwile, O ile a swanelo go hwa gore a re phološe. Eupša re bontša lebitla la go se be le selo. Gomme bjale Bophelo bja Gagwe, bo bonagatšwa ka go rena, bo netefatša gore Žena ga se a hwa, le a bona, le—le ditshepišo tša Gagwe.

³⁵ Bjale, nnete, ge le ka bolela seo ka go setšaba se šele, magareng ga Bomohammedan, ba tla re, “Ya, o bonagatša bophelo bja gagwe ka go rena. Eupša ga se a ke a dira tshepišo ye e itšego, le a bona, ditshepišo tše.” Eupša o rile, “Jesu wa lena o dirile ditshepišo tše, bjale re letile go bona lena barutiši le dira se A se boletšego gore O se tshepišitše.” Le a bona, seo ke se go leta go lego bakeng sa sona.

³⁶ Gomme ke moo ba swerego Ngwanešu wa rena Billy Graham, morutiši yola wa Mohammedan, gabotse, e ka ba, o rile, “Ge se . . . O no tliša ba bantši bjalo, gomme ke tla tliša ba bantši bjalo, gomme ke tla dira bontši ka bona bjalo ka ge o tla dira.”

³⁷ Gabotse, yeo e be e le tlhohlo ka kgonthe. Eupša o tla hlohla seo go motho wa go fošagala letšatši le lengwe gomme morago, le a bona, e tla ba. Bjale, ke tla—ke tla dumela gore—gore O a swana maabane, lehono, le go ya go ile.

³⁸ Bjale, go ya ka Mangwalo, re swanetše go ba “diepistola tše di ngwadilwego” tša Gagwe. Beibele e bolela gore re “diepistola tše di ngwadilwego.” Gomme ge, bošegong bjo, re ka swarwa ke tlala le go nyorelwā go bona Morena Jesu Kriste, rena bjalo ka badumedi ba Bakriste re swanetše go bonagatša Bophelo bja Gagwe, bontši kudu, go fihla e tla ba moemedi wa Gagwe ka moka. Re swanetše go ba seo. Mokriste yo mongwe le yo mongwe o swanetše go emela le go bonagatša Bophelo bja Jesu Kriste. A le dumela seo? Gomme ke a dumela gore Mokriste yo mongwe le yo mongwe o swanetše go be a bonagatša Bophelo bja Kriste. O rile, ka go Mokgethwa Johane 14:12, “Yo a dumelago go Nna, mediro ye Ke e dirago o tla e dira le yena.” Gomme ka gona re a tseba gore yeo ke therešo, gore re baemedi ba Gagwe. Gomme ge re teleleima gore Kriste o phela ka go rena, gomme ge Kriste a

phela ka go rena, gona re swanetše go dira bjalo ka ge Kriste a dirile. Re swanetše go bonagatša Bophelo bja Gagwe.

³⁹ Go ka reng ge ke boletše, bošegong bjo, gore bo—gore bophelo bja Shakes- . . . Go ka reng ge ke rile Shakespeare o phetše ka go nna, goba o rile Shakespeare o phetše ka go wena? Go lokile, o tla ngwala direto tše Shakespeare a di ngwadilego, gobane Shakespeare o phela ka go wena. Go ka reng ge o rile Beethoven o phetše ka go wena? O be o tla ba mohlami yo mogolo yo Beethoven a bego a le, ka baka la gore Beethoven o phela ka go wena. Ga o wenamong, bjale o Beethoven goba o Shakespeare.

⁴⁰ Gona ge Kriste a phela ka go wena, ke wena yoo, o a bona, o phela Bophelo bja Kriste. Le a bona, go no ba ka tsela yeo, ge A phela ka go wena. Eupša o ka se kgone go phela ka kua le Yena; O swanetše go phela ka go wena. Ke ka mehla, O tšeа lefelo la gago, gomme re swanetše go Mo emela ka tsela ye nngwe le ye nngwe.

⁴¹ Bjale re hwetša gore kereke ya mathomo e be e Mo emela, bjalo ka diepistola tše di ngwadilwego, Bophelo bja Gagwe bo phetše ka batho bao. Nka se kgone go bapetše kereke ya rena lehono. Ka—ka bothata ka fao go lego go bolela se, bontši ka fao ke ratago batho, efela o swanetše go botega le go bolela Therešo. Nka se kgone go bolela gore re a bona, ka dikerekeng lehono, go bonagatša Kriste ka tsela ye batho bale ba dirilego.

⁴² Bona, ba tsebile gore ba be ba na le Jesu. Re hwetša ka go mokgethwa . . . Aowa, ke a dumela ke ka go Ditiro tema ya 4, gore re hwetša, gore batheadihlapi bale, Petro le Johane, le go fodiša monna mo Kgorong Ye Botse, gomme ba kgonne go araba potšišo e ka ba efe yeo ba—yeo ba . . . Sanhedrin ba ba botšišitšego, ba ba botšišitše; efela, bona ka go hloka tsebo ga bona, le go se rutege. Ba kgonne go bona seo. Ba be ba se ne thuto, gomme ba be ba se badiredi ba ba hlahlilwego, ba be ba le batheadihlapi. “Eupša ba bone gore ba be ba na le Jesu,” le a bona, ka gobane ba be ba dira ka tsela ya go swana A dirilego go bona.

⁴³ O ka no phela le yo mongwe botelele kudu, le tikologong ya bona, go fihla o tšeа ditsela tša bona. Gomme ke mo go botse go rena gore re se ke ra tšhaba le go phela le lefase. Eupša re dule le Jesu go fihla re kgona go bonagatša, Bophelo bja Gagwe bo bonagatšwe ka bophelong bja rena.

⁴⁴ Gomme yeo ke tsela ye barutiwa bale ba bego ba le. Bona, ba tsebile gore ba be ba le tikologong ya Jesu, gobane ba boletše boka Yena, ba dirile boka Yena, le go fodiša boka Yena, gomme karabo ye nngwe le ye nngwe e be e swana le Yena. Ba be ba šušumeditšwe go swana le Yena, gomme ba tsebile gore O be a phela ka go bona. Seo ke se re swanetše go ba sona nako yohle, bjalo ka badumedi. Ba itshwara boka Yena, gobane, ge o hlakana le yo mongwe botelele kudu.

⁴⁵ Re hwetša ka Beibeleng, godimo ka go Puku ya Dikgoši, gore go be go le monna ka leina la Josafate, monna wa moloki. Gomme

go be go le morwa wa Ahaba, Jorama, gomme o be a tšeа mekgwa ya tatagwe, gomme ka gona kgoši ya Edomo. Gomme morago ba hlakišitše ntwa, Bamoaba ba dirile, godimo ga Israele ka nako yeo. Gomme Jorama a le kgoši, ka morago ga tatagwe, gobaneng, o biditše Josefate. Gomme Josafate, monna wa moloki, o be a se a swanelo go ba a ikgokagantše yenamong le motho yo wa go se loke. Eupša makga a mantši Bakriste ba dira seo, ba no se nagane.

⁴⁶ Gomme kafao ba tšere khamphase ya matšatši a šupago gomme ba ile ka le—le lešokeng, gomme, ba tla go hwetša, ba ile ba felelwa ke meetse. Gomme yo mongwe wa bona o goeleditše, “Mmalo, gobane Modimo o tlišitše dikgoši tše ntle fa go di bolaya!”

⁴⁷ Eupša Josafate, ka go ba monna wa moloki, ka nako ya bothata, o ile a eelwa gore Modimo o be a sa phela. Le a bona, go sa kgathale ka . . . Le ge re tepogetše ka thoko gomme re dirile phošo, efela Modimo o sa na le rena. Modimo o sa dutše a swana. Gomme Josafate, go gopola se, o goeleditše, “A ga go ne moprofeta wa Morena felotsoko, yoo re ka go mmotšiša?”

⁴⁸ Gomme yo mongwe wa bahlanka ba kgoši ya Israele, o rile morago, “Ee, Elisa šo. O tšhetše meetse diatleng tša Eliya.”

Gomme Josefate o rile, “Lentšu la Morena le na le yena.”

⁴⁹ Gobaneng? Lebelelang kamano ya gagwe. Le a bona, o, ba tsebile monna yo o be a amana le moprofeta wa mmapale. Gomme ba tsebile gore e bile le mohuta wola wa sehlopha. Gomme a dula ka go mohuta wola wa sehlopha, o ile a swanelo go sepela bophelo bjo bobotse bja go otlologa, gomme o be a ka se bolele selo . . . gobane o godišitše ka tlase ga thuto ya moprofeta yo mogolo yo, Eliya.

⁵⁰ Oo, go tla ba bjang lehono ge kerek e ka no dula le Kriste, ka tlase ga thuto ya Moya wo Mokgethwa, ya se tsoge ya tlogela Lentšu lela bakeng sa thutotumelo goba selo, ya Le dumela feela ka tsela ye Le ngwadilwego. Gomme banna mogohle ba be ba tla tseba gore le bile le Jesu, le lena. Ke ka fao a bego a tla e tsebago.

⁵¹ Eupša, lehono, go befile kudu. Re mohuta wa go lebelela go serutegi se se hlahlilwego gabotse goba se sengwe. Yoo ke yo re naganago re hwetša Kriste ka go yena. Re ya dikolong. Re romela bašemane ba rena, le go tšwa sekolong, go ya diseminaring; seo se lokilego, eupša, re a hwetša, ba ithuta mokgwa wa go bolela dipolelo tša go ela, gomme ba dira dipolelo tše kgolo. Gomme—gomme ke banna ba bakaone, ga go pelaelo, gomme dikete tša bona. Gomme ba tseba mokgwa wa go bea lenaneo. Ba tseba mokgwa wa go ema sefaleng, ba tseba mokgwa wa go—go tsebiša Kriste go batho. Eupša o tla go hwetša, bontši bja seo, bontši bja sona, bontši kudu bja sona, e no ba monna yola; e sego go beng moemedi wa Kriste tlwa, eupša mofahloši. Le

a bona, o a tseba, o hlahlilwe go fa phahlošo. O ka kgona go mo kgopela go fa po—po polelo yeo gabotse e kago go makatša batho, go tšwa go polelo ya gagwe ya go ela le ka fao a bego a kgona go itshwara yenamong, le ka fao a bego a kgona go swara batho ba gakgametše. Gomme, eupša re a hwetša, o ithutile seo ka seminaring felotsoko, felotsoko moo ba mo hlahlilego ka ga mokgwa wa go dira.

⁵² Go be go fapana bjang go tloga go Mokgethwa Paulo, ge a rile, “Ga se ka tsoge ka tla go lena ka bokgwari bja polelo goba ka bohlale bja lefase, eupša ka maatla a Moya wo Mokgethwa; gore tumelo ya lena e se be ka go bohlale bja motho le setšo sa gagwe, eupša ka go ma—ma maatla a Moya wo Mokgethwa.”

⁵³ Ee, re na le sehlopha se sengwe re mohuta wa, batho ba bantši, ba lebelela go, ke moisa yo re mmitšago moisa yo mokaone. O ema godimo sefaleng, ke rametlae yo mokaone. A ka kgona go bolela metlae e se mekae le go dira batho bohle go sega, gomme batho ba tla kgobokana ntle mogohle go kwa metlae yeo. Gomme mohlomongwe ga se metlae ye mebe, e no ba metlae e bolelwa go tšwa sefaleng, eupša ga—ga ke nagane yeo e gabotse. Bjale ke—ke . . . le ga se lefelo la metlae.

⁵⁴ Le ke lefelo la tlhokofalo ya go tebatebi. Seo ke se e lego bothata ka kereke lehono, re ya kgole go tloga go tlhokofalo yela ya go teba. Re swanetše go ba thwi tlase botebong, re hlokofetše ka se, le a bona. Gomme ka gona, Modimo o rata tlhokofalo, gomme ga re hlokofale go lekanel ka yona.

⁵⁵ Eupša re hwetša, motho yo a ka kgona go dira yo mongwe le yo mongwe a sega le go ya pele, gomme re mohuta wa go lebelela monna yola. Eupša, go nna, o biditšwe, go nna, mohlomongwe “motlošabodutu,” goba mohlomongwe feela gabonolo “rametlae wa phuluphithi,” yeo ke phetho, le a bona, go ema godimo fale le—le go no dira batho ba sega. Ge, ba swanetše go ba, ka go—ka go Tleng ga Morena, ka go botebo bja tlhokofalo, re šeditše nakwana ye nngwe le ye nngwe bakeng sa go tšwelela ga Gagwe, gobane ga re tsebe feela ke nako efe A ka tšwelelag. Kafao, ga re hloke bafahloši, ga re hloke batlošabodutu, le go ya pele.

⁵⁶ Morago go na le legoro le lengwe la batho, leo le lebelelago Modimo, ge ba be ba Mo lebeletše, ka go seaparo sa motho. Batho ba bantši ba bona monna a etla go theoga mokgotha ka mohuta tsoko wo mogolo . . . mohuta tsoko wa kefa ya bodumedi, le—le diaparo tša bodumedi di lekeletše fase, gomme—gomme, ba, ba nagana gore seo ke sa bodumedi kudu, seo ke sa go swana le Kriste. Gomme ga ke nagane bjalo. Ge seo se ka ba bjalo, gona . . . Kriste ga se nke a apara ka mokgwa woo, kafao ga se ka go seaparo. “Mmušo wa Modimo ga o dijong le separong, eupša ke go pelofala ka go Moya wo Mokgethwa.”

⁵⁷ Ba lebeletše batho, bontši bja bona, ba lebelela batho, batho ba lebelela Kriste, a ke re, magareng ga meloko ya bona. O re,

“Mme wa ka, o bile leloko le le *itšego-itšego* la kereke ye e *itšego-itšego* lebaka la mengwaga ye mentši bjalo, goba tate wa ka o a tšwelela.” Gomme ba lebelela Kriste magareng ga batho ba bona ka mokgwa woo. “Lapa la gešo le nkgodisitše go ba yo *mobjalobjalo*.” Eupša ga re bone Kriste, le a bona, ga re Le bone.

⁵⁸ Le a tseba, Maria le Josefa ba dirile phošo yeo, nako ye nngwe. Ba be ba le batho ba go loka. Eupša ba ile godimo Jerusalema moketeng, gomme tseleng ya bona morago ba timeditše Jesu magareng ga bona. Gomme kafao ba Mo nyakile magareng ga batho ba bona, eupša ga se A hwetšwa. Gomme ke a nagana seo ke bontši ka moka, lehono. Gomme ba ile ba leka go hwetša mo A bego a le gona. A le be le tseba mo ba Mo hweditšego? Thwi mo ba Mo tlogetšego. Yeo ke nnete.

⁵⁹ Gabotse, ke moo re tla Mo hwetšago. Ke moo kereke e tla Mo hwetšago. Re ka se Mo hwetše ka go ditlhahlo. Re ka se Mo hwetše ka go batlošabodutu. Re ka se Mo hwetše ka go tsela ye re aparago, goba kerekelaia ye re lego ba yona. Re tla ya morago go Letšatši la Pentecost, moo A tlilego ka kerekeng, gomme fao ke mo re tla Mo hwetšago. Gobane, ke moo kereke ya pele e Mo tlogetšego, gomme ka go Khansele ya Nicaea, gomme fao ke mo A tlogetšwego ge e sa le. Kafao, ke, re swanetše go ya morago go nako yeo, go Mo hwetša. Re ye morago moo re Mo tlogetšego, moo re ka kgonago go tsea Lentšu la Gagwe; gomme ra se oketše selo go Lona, ra se tloše e ka ba eng go Lona. Ra no Le dumela ka tsela ye Le lego. Yeo ke—yeo ke tsela ye Le ngwadilwego, seo ke se Le lego sona. Modimo o šeditše godimo ga Lona, go Le boloka ka tsela ye, gomme seo ke selekane se re tla ahlolwago ka sona.

⁶⁰ Bjale Bagerika ba ba be ba se ba lebelela mofahloši, go Jesu Kriste. Ba be ba se ba lebelela borametlae ba phuluphithi, bjalo ka ge ke boletše dinakwana di se kae tša go feta. Ga se ba lebelela seo. Ga se ba lebelela setlošabodutu. Ba nyakile go Mmona, Motho, Jesu Kriste. Ba be ba hloogetše go Mmona, ka gore ba be ba kwele ka Yena. “Gomme tumelo e tla ka go kwa, go kwa Lentšu.” Gomme Yena ke Lentšu. Le a bona, Yena ke Lentšu. Le a bona? Gomme ba nyakile go bona Jesu.

⁶¹ Bjale, ga se nke ba re ba nyakile go Mo kwa; ba be ba šetše ba kwele. Ba nyakile go bona. Yeo e be e se potšišo, “Re rata go kwa Jesu. Bahlomphegi, re rata, rena,” ba nyaka, goba, “go kwa Jesu.” Ba nyakile go bona Jesu. Woo e be e le morero wa bona wa go nyakišiša, e be e le go Mmona.

⁶² E sego go ba le Yena a hlalošwa. Lehono, ka melaetša ye megolo ya bohlale, re ka kgona go Le hlatholla go fihla o kgona go bona seswantšho. Eupša, seo, seo ga se se re se lebeletšego bošegong bjo. Ga se—ga se ra lebelela dikgerekgere, re lebeletše maatlatshepedišo a Lona. Yeo ke yona. Ba bantši kudu, le a bona, yeo ke . . . Re na le dikgerekgere tša mabodumedi a Beibele di tswaleletšwe bjalo, go lebega boka se segolo bogolo

sa a lesometshela- goba setimela sa matorokisi a masometharo tlhano se dutše ntle mo godimo ga seporo. Eupša ge o se na le mušimeetse e ka ba afe ka go sona, gona se—se... Go tsea maatlatshepedišo go—go—go ka dira dikgerekere. Gomme se re se hlokago bjale ke go bona Seo. Se seo re se rutilwego mengwaga ye yohle, a ke Therešo goba a ga se yona? Go hlalošitšwe, gape le gape le gape, go kgabola diseminari tša go fapanale dikereke, le go ya pele, go fihla re lebeletše go bona gore Motho yo ke Mang.

Bjale o re, “Ngwanešu Branham, o tla e dira bjang?”

⁶³ Gabotse, a le etše hloko ba tla go mohlanka wa Kriste, yo a bego a hlahlilewe go tseba a dire eng. E sego go no re, “Dula fase. E re, ema bjale! O dula fase mo, ke tla e hlaloša.” Aowa, o ba tlišitše thwi go otlologa go Yena, gobane seo ke se ba bego ba nyaka go se bona. Bona, ba rile, “Re rata go bona Jesu.” E sego, “Re tla rata wena go Le hlaloša go rena le go re botša se Le lego mabapi le sona.” Yeo e be e se potšišo. Eupša ba nyakile go bona Jesu. Gomme ba... Modimo o bile le yo mongwe a eme fale, Filipi, yoo a kgonnego go ba tsea le go ba bontšha Motho, Jesu Kriste.

⁶⁴ Bjale seo ke se re nyakago go se bona. Re nyaka go bona Motho. O re, “Gabotse, Ngwanešu Branham, re tla Mmona ge A etla.” Ee, eupša O tshepišitše gore Yena, ka go Motho wa Moya wo Mokgethwa, o tla tla ka matšatšing a mafelelo gomme o tla ba le rena, ebile le ka go rena, go fihla bofelong bja lefase. Gomme dilo tše A di dirilego, re tla di dira le rena. O rile, ka go Bahebere 13:8, bjalo ka ge ke tsopotše gore, “O a—a swana maabane, lehono, le go ya go ile.” Bjale go tla ba feela tsela e tee go tseba se A lego lehono.

⁶⁵ Re hwetša ga se re kgone go Mo hwetša ka go bafahloši ba bakaone, ka gore re hwetša batho ba ba kgonago go ema gomme ba kgona go hlaloša Lentšu ka tsela ye bjalo, go no tsea mohemo. Eupša ge re e hwetša, e sa no ba thutophahlošo. Le a bona, feela thutophahlošo, ke dikgerekere. Gomme re hwetša motlošabodtu yo a ka yago go kgabola ditiro tšohle, le go ya pele, eupša seo go le bjalo ga se sona. Rena, seo ga se se re se lebeletšego. Re hwetša mohuta wa bodumedi, ba apere diaparo tša bona, le go ya pele, seo go le bjalo ga se se re se lebeletšego. Le a bona? Aowa.

⁶⁶ Re lebeletše Motho, Jesu Kriste. Le a bona, Motho, Jesu Kriste! Bjale, ge Beibele e rile, “O a swana maabane, lehono, le go ya go ile,” gona O swanetše go ba seo, goba Beibele e boletše se sengwe sa phošo. Gona, ga ke dumele Modimo o tla ahlola lefase ka e ka ba eng ya phošo.

⁶⁷ Gona re go kae gape? Le a bona, bohle re ntle ka lerageng gape, gobane go ne se sengwe le se sengwe, kereke *ye* e re, “*re na le Lona*,” gomme, “*re na le Lona*,” gomme, “*re na le Lona*,” le go

ya pele. Eupša ge o na le Lona, o tla Le laetša, yeo ke nnete, le a bona, Motho, Kriste Jesu.

⁶⁸ Bjale tsela e nnoši ya therešo go hwetša se A lego sona, ke go hwetša se A bego a le sona, le a bona, ka gore Yena ga a fetoge. Modimo a ka se tsoge a fetoga. Yena ga se nke A fetoga. “O a swana maabane, lehono, le go ya go ile.” O swanetše go dula a swana ka mehla. Lentšu la Gagwe le swanetše go dula le swana. Dipolane tša Gagwe di swanetše go dula di swana ka mehla.

⁶⁹ Bjale re lekile se sengwe le se sengwe ka lefaseng, go feta, kgole go tloga go dipolane tša Gagwe. Eupša e sa dutše, ya Gagwe ke tsela e nnoši. Batho ba lekile go dira tsela go ruta batho go kopanela; e paletšwe. Re lekile go ba dira kerekeleina go kopanela; e paletšwe. Modimo o na le lefelo le letee leo A kopanago le batho, leo ke ka tlase ga Madi. Gomme ka ntle ga leo... Ga go na le go palelwa. Yeo ke nnete. O swanetše, o swanetše go ba, ka tlase ga Madi.

⁷⁰ Bjale, ge moprista wa Katoliki, Mojuda wa Orthodox, le Nazarene, le Pilgrim Holiness, le Pentecostal, ba ka kgona go ema ntle mo ka go dikerekemaina tša bona le go bakišana seng sa bona, letšatši lohle botelele, le go tleleima gore yo mongwe le yo mongwe ke yo mogologolo bjang, le go ya pele; eupša a nke bohole ba tle ka tlase ga Madi ale gomme ba khuname ka tlase ga sefapano, ba na le matsogo a bona go dikologana seng sa bona, gomme ke banešu gobane ba na le—ba na le dilo tša go swana. Gomme seo ke selo se tee seo modumedi yo mongwe le yo mongwe a tswetšwego gape a nago naso go swana, ke Madi a Jesu Kriste ao a ba hlwekišago.

⁷¹ Kanegelo ye nnyane, fa e se kgale botelele, ya le—le lapa, lapa le lennyane la go ratega le be le thubega. Monna le mosadi wa gagwe ba tlie go se dumelelane, gomme ba be ba eya go ba le tlhano. Gomme ramolao o ba boditše, o rile, “Bjale, ge le sa nyake dikgorotsheko ka mokgwa wa go tšea se sengwe le se sengwe le nago naso, le swanetše go ya tlase fale, le magareng ga lena, le go arola di—di dithebola, go tšwa lapeng la lena, kopano ya lena.”

⁷² Kafao ba ya tlase gae, gomme ba kopane ka letšatši le le itšego. Ba ile ka kamoreng ya bodulo, gomme ba kgakgana gomme ba kgorometšana ka se sengwe le se sengwe se bego se le ka kamoreng ya bodulo. Morago ba ya ka moraleng, gomme ba kgakgana le go kgorometšana ka se se bego se le ka kua, le dikamora tša go fapana tša ntlo. Ka morago ga lebakana, ba tšere sephetho go ya godimo ka kamoreng ya godimodimo, ka gore ba be ba na le theranka ya kgale godimo kua. Ba be ba na le dilo tsoko tša kgale tša go tšofala, tše di bego di beilwe kgole, ka fao ba ya godimo ka kamoreng ya godimodimo go ntšhetša ntle theranka ye. Gomme, bona, o tee o tla re, “Ye ke ya ka,” “ye ke ya ka,” gomme ba tla phega godimo ga yona.

⁷³ Ka dinakwaneng di se kae, ba be ba utolla selo se sengwe, gomme bobedi ba se obeleditšego, gomme diatla tša bona di fapanè. E be e le para ya dieta tša lesea le lennyane, leo Modimo a bego a le file go kopano ya bona, gomme o be a tšerwe go bona. Fao, ke mang a bego a ka kgona go di tleleima? E be e le selo se sengwe ba bego ba na le sona sa go swana. Le a bona? Gomme ka megokgo ka mahlong a yo mongwe le yo mongwe, ba gogile dieta tše nnyane gare ga bona. Tlhalo e ile ya feditšwa. Le a bona, ba hweditše se sengwe seo se bego se era se sengwe go bobedi bja bona.

⁷⁴ Gomme ke nagana gore Bokriste bo swanetše go dira selo sa go swana. Re ka kgona go hwetša se sengwe seo bo se rago go bobedi bja rena, yoo ke Kriste. Le a bona? Seo se ra go rena bohole, fao re ka kgona go tšeana seng sa rena ka seatla le go ema kua bjalo ka banešu le dikgaetšedi ka go Kriste. Yena ke Kriste. Bjale a O a phela? Ka kgonthé O a dira, “Phela go ya go ile! Gomme ka gobane Ke a phela, le a phela le lena.”

⁷⁵ Bjale re tla swanelà go ya morago, go šetša. Re a tseba re ka se Mo hwetša bjalo ka—ka mo—mo morutiši yo mogolo. Ebile ga re ne rekoto e ka ba efe ya Gagwe a kilego a ya sekolong. Gomme re... A ka se be monna wa go apara go fapanè, gobane O ile ka gare le ka ntłe ga banna, magareng ga batho, a ke re, gomme ga se nke... Gobaneng, batho ba be ba sa Mo tsebe, bohole ba bona ba apere go swana. O be a sa apere boka moprista. Ga se a ke a apara bjalo ka monna wa bodumedi. O be a apere bjalo ka monna wa mehleng. Gomme—gomme ka gona ya Gagwe... .

⁷⁶ Re hwetša gore Beibele e ngwadile ka leleme le le swanago, O swanetše go be a šomišitše popopolelo ye e bego e šomišwa ntłe mokgotheng, feela batho ba go tlwaelega. Gobane, Beibele e rile, “Batho ba go tlwaelega ba Mo kwele ka lethabò,” le a bona, kafao mohlomongwe dihlalefi di be di sa kgone go itswalanya tšonabeng ka go Motho yo bjalo wa mehleng yo a boletšego ka go nokologa, le go ya pele, seo mohlomongwe A se dirilego. Kafao, e be e le bontši kudu gannyane go bona. È sa le, lehono.

⁷⁷ Gomme ke ka lebaka leo Beibele e bilego bo—bo bothata go batho, gobane, ke, ba leka go Le hlatholla ka mohuta wa godingwana wa leleme, ge Le be le ngwadilwe ka polelo ya mokgotheng, le a bona. Le... .

⁷⁸ Kafao, Modimo o ikokobetša Yenamong. Modimo ke boikokobetšo. “Motho yo a kgonago go ikokobetša yenamong o tseleng ya gagwe go rotoga. Yo a iphagamišago o tseleng go theoga,” ka mehla. Kafao re swanetše go elelwa gore Bokriste ga se go kgoromeletša pele, le go leka go ya pele ga moisa *yo*, eupša go gatela morago le go tšeа setulo sa morago, le a bona, go dumelala moisa yo mongwe go ya pele, bjoo ke—bjoo ke Bokriste. Ikokobetša wenamong. “Ge ba go sua kgorongtsheko, gomme ba tšeа jase ya gago, mo fe gape le seaparo. Ge a go gapeletša go ya

maele, eya tše pedi. Ge a betha lerama le tee, retolla le lengwe.” O be a le mohlala wa rena ka tsela ye nngwe le ye nngwe re swanetšego go ba. Gomme ge Bophelo bjola bo ka kgona go bonagala ka go rena, batho ba tla bona Kriste ka go lena, le a bona, ge—ge ba ka kgona go bona seo.

⁷⁹ Gabotse, bjale a re boneng, go ka no ba go bile le banna ba bantši. Jesu o be a fapana go feta batho bohle. Go ka no ba go bile le banna ba bantši ba bego ba ka kgona go kokobela, le go ya maele wa bobedi, goba go retolla thama ye nngwe, eupša re hwetša gore Jesu o be a le Motho wa go fapana.

⁸⁰ Bjale, Modimo ka mehla o dutše le Lentšu la Gagwe. Elelwang, ga A tsoge a fetola Lentšu la Gagwe.

⁸¹ Bjalo ka ge ke boletše, dinakwana di se kae tša go feta, ka madi. Ka serapeng sa Edene, ge Adama le Efa ba dirile sebe, gomme Modimo o ile a swanela go boloka molao wa Gagwe gobane O be a lokile. Gomme kotlo ya molao e be e le, gabotse, O ile a swanela go bea godimo ga lapa lela, gobane, “Meputso ya sebe ke lehu, gomme o ya go hwa.” Eupša ka gona ge ba bile mohuta tsoko wa se sengwe, O ile a swanela go dira kwalakwatšo ya tokologo, O—O tšere sephetho gore go tšere madi. Adama le Efa ba lekile go dira thethwana ya letlakala la mogo; e be e ka se šome. Kafao, O nyakile madi.

⁸² Gomme Yena ga se a ke a fetoga. Yena ga a tsoge a fetoga. Bjale ge go etla nako motho a bego a babja gomme a nyaka go fodišwa ke Modimo, Modimo o mo fodišitše godimo ga motheo wa tumelo ya gagwe ka go Yena. Ga se A ke a e fetola. E sa swana, go no swana.

⁸³ Gomme Lentšu e ka ba lefe leo Modimo a le boleLAGO, Le ka se tsoge la fetoga. Bjale ke ka lebaka leo ke dumelago Beibele e no ba ka tsela ye E ngwadilwego. Le a bona, E ka se tsoge ya fetoga. Re ka se hwetše selo se sekaonana; Modimo a ka se kgone. Yena ke mohlokamagomo. Re na le magomo. Re dira diphošo, gomme gosasa re tseba kudu go feta re tsebile lehono. Eupša e sego Modimo; Yena ke—Yena ke wa ka Gosafelego, le mohlokamagomo, mokgonatšohle, motlalaghohle, motsebatšohle. Yena, Yena o no... Yena ke Modimo. Ge A se dilo tše, gona ga se Yena Modimo, le a bona, O na le magomo boka re le. Kafao re swanetše go elelwaga gore Yena ke Modimo, gomme Mantšu a Gagwe ke, yeo ke karolo ya Gagwe. Le ba kwele ba re, “Motho yo mongwe le yo mongwe o no ba gabotse bjalo ka lentšu la gagwe.” Yeo ke therešo. Modimo ga a kaonana go phala Lentšu la Gagwe.

⁸⁴ Jesu ka mehla o šupile morago go Lentšu la Tate, kgafetšakgafetša, nako yohle. “Go ngwadilwe. Go ngwadilwe.” Ke ka mokgwa wo A fentšego Sathane, godimo ga Lentšu. “Go ngwadilwe.” Bjale re Mo hwetša ge A be...

⁸⁵ O tlie ka maatla a Lengwalo, tlwa tlhathollo ya Lengwalo. Eupša batho ba letšatši leo, ba ba bego ba Mo lebeletše go tla,

ba Mo fošitše, gobane ba bile le tlhathollo, gore ba be ba ka se kgone go tloga go tlhathollo yeo. Ba swanetše go ba le yona ka tsela ya bona.

⁸⁶ Bjale go ka no tla ka tsela ya go swana lehono, gape, le a bona. A go be go ka se be go gobe kudu ge go be go ka ba? “Gomme re na le yona e thadilwe yohle, gomme re bile le go tsena sekolo mo gontši go fihla re bea tšhate le go le botša gabotse iri ye A tlago go yona, gomme re a le botša ge eba O ya go be a nametše pere ye tšhweu goba ka lerung. Re tseba feela ka fao e yago go ba.” Gomme go ka no ba go fapano gohlegohle ge A etla. Ya. O dirile. Le a tseba, dilo tšeо ke boradia ge di etla go leka go re, “Se ke sela.” Feela—feelka tsela ye Lengwalo le ngwadilwego, yeo ke yona.

⁸⁷ A le etše hloko, nako ye nngwe, ke dirile setatamente sa go swana le se. Nako ye nngwe barutiwa ba rile go Jesu, ka go... Ke dumela go Mokgethwa Mateo 6:11...goba 11:6, ke a dumela ke yona, ntshwareleng, 11:6, ke a nagana ke yona, gore barutiwa ba Johane ba tlie go Jesu gomme—gomme ba nyakile go tseba ge ka kgonthe A be a le Yena. Bjale Johane (o be) o Mo tsebišitše, gomme o be a robetše ka kgolegong. Gomme bjale Jesu o rile, “E nong go dula go fihla tirelo e fedile, morago eyang morago gomme le laetše Johane se le se bonego.” Bjale ga se nke A mo fa puku ya mokgwa wa go itshwara yenamong ka kgolegong, goba se sengwe boka seo, goba polelo tsoko ya bohlale. O rile, “E nong go dula tikologong go fihla kopano e fedile, morago le ye le laetše Johane se le se bonego.” Gomme ge ba ile, Jesu o ba šeditše ge ba be ba kgabaganya thaba.

⁸⁸ O rile, “Le ile ntle go bona eng ge le ile go bona Johane? A le ile go bona monna a apere diaparo tše kaone tše boleta, le dikholoro tša go retologa, le, le a tseba, le go ya pele?” O rile, “Bao ke ba dipaleising tša dikgoši. Ba atla masea le go boloka bahu, le go ya pele.” O rile, “Eupša le be le ile go bona eng? Monna yo a šikinywago ke phe—phe phefo, boka lehlaka?”

⁸⁹ Aowa, e sego Johane. O ka se mmotše, “Ke tla go fa bontši kudu ge o tlogela kereke ye le go tla godimo fa go ye.” E sego Johane. O be a sa šikinywe go dikologa, ke mekgatlo le dilo. E sego Johane.

⁹⁰ O rile, “Le be le ile go bona eng? Moprefeta?” Gomme O rile, “Ke re go lena, gomme go feta moprefeta.” Eupša o be a feta moprefeta ka baka la gore o be a le—le...o be a le mo—mo—mo—mo moratho gare ga molao le mogau. O be a le motseta wa kgwerano ya letšatši leo, monna yo mogolo.

⁹¹ Gomme re hwetša gore ge A be a bolela, a bolela ka Johane le ka ga motho yo mogolo a bego a le, O rile, “Ge le ka kgona go e amogela, yo ke yena yo moprefeta a boletšego ka yena, ‘Ke tla roma motseta wa Ka pele ga sefahlego sa Ka.’” Le a bona?

⁹² Gomme ba rile, “Gabotse, gona, gabaneng Eliase a re...” Nako ye nngwe ge A be a bolela ka yona. Ba rile, “Gobaneng Eliase a boletše seo, gore selo sa pele e bile...” Goba, “Gobaneng bamangwalo ba boletše,” ntshwareleng, “gore Eliase o swanetše go tla pele?”

⁹³ Gomme O rile, “Eliase o šetše a ttile gomme ga se la ke la e tseba.” Le a bona? Le a bona? Monna bale ba hlahlilwego ba šeditše bakeng sa pulamadibogo ya Jesu go tla, ba hlahlilwe ka tsela ye nngwe le ye nngwe ya Beibele, bamangwalo ba ba ngwadilego Beibele le go E tseba go tloga go A go fihla go Z, go ya morago, go ya pele. Bafahloši, nna, ba be ba le banna ba kgonthé, ba tsebile Mangwalo ka gare le ka ntle, Lentšu le lengwe le le lengwe, eupša efela ba šitilwe go bona gore Johane o be a le Eliase. Ebile le barutiwa ba Gagwe ga se ba tsoge ba e bona.

⁹⁴ Bjale a go be go ka se be gampe kudu, le lengwe la matšatši a, ge re bona kahlolo e ratha lefase, gomme re re, “Gabotse, gabaneng e le? Tlhatlogo e swanetše go tla.”

⁹⁵ Gomme O be a tla re, “Gobaneng, e šetše e ttile gomme ga se le e tsebe.” Le a bona? Le a bona? Ka nakwana, ka panya ya leihlo, ge go se yo a naganago ka yona, gomme e tla utswiwa. Le ka se tsoge la tseba ge e tloga. Ke a le botša, go a re lefa go ba komana, a ke a re, le go lokela iri ye.

⁹⁶ Bjale a re tšeeng gomme re bone se A bego a le sona. Re a hwetša, ka pela ge A kolobeditšwe, Modimo o ttile godimo ga Gagwe, ka sebopego sa leeба, gomme O ile ka lešokeng lebaka la matšatši a masomenne a moleko. Gomme fao O fentše Sathane, godimo ga Lentšu, pele. O fentše Sathane, godimo ga Lentšu.

⁹⁷ Nako yeo bodiredi bja Gagwe bja lefaseng bo thomile. Bjale re a Mo hwetša, selo sa pele, go be go le monna ka leina la Andrea, ka go Mokgethwa Johane 1. Re hwetša gore o ile ntle le go tsea ngwanabo, Simone, le go tliša Simone kopanong moo Jesu a bego a bolela. Gomme ge a dirile, gomme Jesu o bone Simone; ka pela, ge A mmone, O mmoditše leina la gagwe e be e le “Simone,” gomme o be a le “morwa wa Jona.” Bjale, ka gona, seo se tšere setatše go tšwa go moapostola yo, gomme a Mo lemoga nako yeo go ba Kriste; gomme mafelelong a ba hlogo ya kereke ka Jerusalema, ka baka la gore o ile a lemoga gore Yoo e be e le Kriste.

⁹⁸ A le kile la nagana se se mo dirilego go lemoga Monna yo go ba Kriste, ka go no bolela seo? Ka baka la gore Kriste, go ya ka Lengwalo, o be a swanetše go ba moprofeta. Moshe, mohlahli le morutiši wa bona, o be a ba boditše, “Morena Modimo wa lena o tla tsoša Mopropfeta yo a swanago le Nna.” Ga go kgathale ke banna ba bakae ba bohlale ba phagametšego godimo, go ile gwa swanela go tla Mopropfeta, gomme Mopropfeta yola o ile a swanela go bontšha leswao la moprofeta.

⁹⁹ Bjale mohlomongwe ke bolela le batho ba bantši ba Bajuda, bosegong bjo. Gomme le a tseba, ka Lengwalong, Mojuda o dumetše moprofeta wa gagwe. Gobane, e be e le moprofeta yo Lentšu la Morena le tliego go yena, yena, gomme yena a nnoši. Lentšu la Morena le tla go baprofeta. “Modimo, dinakong tša kgale le ka mekgwa ya go fapano o boletše le botate ka baprofeta, eupša ka go letšatši le la mafelelo ka Morwa wa Gagwe, Jesu Kriste,” Bahebere 1. Bjale, Mojuda o dumetše moprofeta gobane moprofeta o bile le Lentšu la Morena.

¹⁰⁰ Bjale, ka tsela ye ba boletšego ge eba moprofeta yola o be a rereša goba aowa, e be e le gobane ba šeditše moprofeta. Gomme ge a boletše eng kapa eng, a profitile, gomme gwa tla go phethega, Modimo o rile, “Le kweng moprofeta yoo, ka gore Ke na le yena. Eupša ge se sa tle go phethega, gona hlokologang se a se bolelago.” Seo ga se fete go ba nnete, le a bona. “Ge go na le yo motee, moprofeta magareng ga lena, wa semoya goba moprofeta, Nna Morena ke tla itsebiša Nnamong go yena ka dipono, ka bolela le yena ka ditoro. Gomme ge se moprofeta yo a se bolelago se etla go phethega, gona mo kweng, gobane Ke na le yena. Eupša ge se sa dire, gona le se ke.”

¹⁰¹ Kafao, Jesu a eme fale. Gomme ba be ba se ba be le moprofeta lebaka la mengwaga ye makgolonne, ka Israele. Gomme mo go eme Monna yo a bonego motheadihlapi wa go tlwaelega a etla godimo, gomme a mmotša se leina la gagwe le bego le le se leina la tatagwe le bego le le sona. A selo sa go makatša! O be A dira eng? O be a bitša monna yola. Gomme ge Seetša sela se phadimile godimo ga peu yela e kgethetšwegopele, Bophelo bo tlie ka pela, o lemogile se e bego e le sona.

¹⁰² Monna yo re bolelago ka yena bjale, Filipi, o bone se se dirwa, kafao o kitima go dikologa thaba, e ka ba dimaele tše lesometlhano, gomme go mogwera yo a bego a le mo—mo—mo moithuti wa Lengwalo, le yena. Gomme, monna yo, leina la gagwe e be e le Nathaniele. Gomme o swanetše go be a bile le go lapa, gomme kafao o be a le ntle ka go sethokgwana, ka thapelong, ka nako ye Filipi a gorogilego. Gomme bobedi ba be ba le Bahebere bjale, ba šeditše go tla ga Mesia. Kafao ge Filipi a mo hweditše, o rile, “Etla, bona Yo ke mo hweditšego, Jesu wa Nasaretha, Morwa wa Josefa.”

¹⁰³ Gomme, nnete, Nathaniele a le monna yo mogolo, le go tsebeng gore Nasaretha e be e le to—to toropo ya swele, gomme—gomme o rile, “A go ka ba le e ka ba eng e botse e tšwago Nasaretha?”

O rile, “Etla, o bone.”

¹⁰⁴ Seo ke—seo ke se sengwe sa ditatamente tša go makatša kudukudu! Batho ba bantši kudu ba tla—ba tla tima le go swaswalatša e ka ba eng, sebakeng sa go tla le go e iša pelong, le go e puruputša le go bona ge eba ke nnete. Ge bao ba mangwalo

ba ka be ba dirile seo feela go Jesu Kriste, ba . . . lena batho ba Bajuda le ka be le se ka seemong se le lego ka go sona bjale. Le a bona? Gomme lefase, dikereke di ka be di se ka tsela ye di lego bjale. Batho, re ka be re se ka tsela ye re lego, ge re ithutile Mangwalo gomme ge Modimo a tsošitše se sengwe. Re a tseba go na le bohlanya bjo bontši; ka mehla go bille, ka mehla go tla ba, go fihla Jesu a etla. Eupša ka gona, baprofeta ba maaka le bokriste ba maaka, le se sengwe le se sengwe gape, bo tla tsoga ka lefaseng, go laetša dinako tša leswao, maswao a dinako, ke ra gore, le go ya pele. Eupša O rile, “A ga le e dumele.” Le a bona? Eupša bjale elang hloko, ka go se, ga se ba ema go nagana ke Mang, se A bego a se dira.

¹⁰⁵ Filipi o rile, “Esla, iponele ka bowena.” Kafao ge Filipi le—le—Nathanièle ba ile go bapa le lehlakore la thaba, mmogo, ba tlide ka gare kopanong go no nyaka go swana le ye, o re, fao Jesu a bego abolela.

¹⁰⁶ Bjale, ga ke tsebe ka fao ba tlidego godimo. A ka no ba a be a eme ntile ka batheeletšing, mohlomongwe a ka no ba a be a le godimo fa moo Jesu a bilego, o be a rapelela balwetši. Ke, aowa, ga se ra botšwa feela ke maemo afe ba bego ba le ka go ona. Eupša ka pela ge Jesu a bone monna, O rile, “Bonang Moisraele, yo ka go yena go sego bomenetša!” Bjale lebelelang se A itirago Yenamong, go tsebagatšwa, ge A be a le mo maabane.

¹⁰⁷ Le a bona, ga se nke A dira polelo e ka ba efe ye kgolo ya bohlale. Ga re ne rekoto ya Gagwe a tsentšwe sekolo ka diseminaring, bjalo ka ge ke boletše. Yena ga se a ke a ngwala puku. Yena ga se a ke a ngwala lentšu le tee. O ngwadile se sengwe mo mobung, gomme morago o tšere seatla sa Gagwe gomme a se phumola gape. Gobaneng A se a ngwala se sengwe? Gobane O be a le Lentšu.

¹⁰⁸ Kafao, le a bona, ge feela ba ka be ba tsebile, O be a le Lentšu. O be a le Lentšu Lonamong le dirilwe nama. O be a le Modimo a dirilwe nama. Modimo o be a le ka go Kriste, a boelanya lefase go Yenamong.

¹⁰⁹ Bjale elang hloko se A se dirilego, ge Filipi a tliša Mojuda yo wa go kgwahla godimo, O rile, “Bonang Moisraele, yo ka go yena go sego bomenetša.”

¹¹⁰ Gabotse, ba bangwe ba ka re, “Kgonthe, ba be ba ka bolela, ka tsela ye a bego a apere.” Aowa, batho bohole ba Bohlabela ba be ba apara disetše, ba be ba apara diaparo. O be o ka se kgone go mmotša go tšwa go Moassiria goba motho e ka ba mang yo mongwe. O be a no ba a apere mohuta woo wa seaparo.

¹¹¹ O rile, “Bonang Moisraele, yo ka go yena go sego bomenetša.” O tsebile bjang gore o be a le yola wa moloki, monna wa go botega yo a bego a le yena? A ka be a be a le mo—mo mohlokamolao. A ka be a bile lehodu le le bego le tlide godimo kua le Filipi. O be a sa tsebe, eupša O be a na le tsela ya go tseba.

¹¹² Gomme o, go makaditše monna yo kudu bjalo, go fihla a rile, “Rabi,” go rago *morutiši*, “ke neng mo O kilego wa mpona? O ntseba bjang?”

¹¹³ O rile, “Pele Filipi a go bitša, ge o be o le ka tlase ga mohlare wola, Ke go bone.” Le a bona?

¹¹⁴ Gomme moithuti yo wa Lentšu o tsebile eng ka seo? O tsebile yola e be e le Mopropeta yola. O rile, “Rabi, Wena o Morwa wa Modimo. Wena o Kgoši ya Israele.”

¹¹⁵ Gomme Jesu o rile, “Gobane Ke go boditše dilo tše, o dumetše, bjale o tla bona tše kgolwane go feta se.”

¹¹⁶ Le bona ka fao A bego a itsebagatša Yenamong. E sego ka go roko ye e itšego, e sego ka go ye kgolo... go beng mofahloši yo mogolo wa go tsebalega, grata ya bongaka go tšwa kholetšheng ye e itšego.

¹¹⁷ Tšona dilo di lokile. Ga ke swaswalatše. Ke leka go gogela ntle se sengwe seo se swanetšego go tšwela ka ntle ga fao, le a bona, go le laetša. Tšona dikerekemaina le dikholetše, le meaparo, bokgole bjo ke amegago, di lokile, eupša ga re bolele ka dilo tšebo bjale. Le a bona? Ka nnete ke kaoniša go bona monna ka go seaparo sa bodumedi go feta go mmona boka ba bangwe ba basadi ba ntle fa mo mokgotheng, le a bona, goba se sengwe. Bokaone ke mmone, ge ebole a le lehlanya ka go bodumedi bja gagwe, Bokaone ke mmone ka mokgwa woo go feta ntle fa a tagilwe felotsoko, ka mokoting, le a bona, kafao ga ke ne selo go bolela ka seo.

¹¹⁸ Eupša se ke lekago go se bolela, re leka go hwetša Motho yola, Jesu. Yoo ke Motho yo re lekago go mo hwetša. Go reng ka Lentšu le? Gore, a Lentšu lela le ka kgona go aketša? Aowa, mohlomphegi, Le ka se kgone go aketša gomme la ba Modimo. Modimo a ka se kgone go aketša. Gomme Lentšu le ke Modimo. Beibele e rile E be e le. Gomme kafao bjale re leka go hwetša se A lego.

¹¹⁹ Re ka Mo tseba bjang? E sego ka diaparong, e sego ka go dikerekemaina, e sego ka dipolelo. Re ya go Mo hwetša bjang? Re ya go Mo hwetša ka Mothong se A lego sona, gore O sona bjale. Elang hloko, yeo ke tsela ye ba Mo tsebilego morago kua. E sego ka seaparo sa Gagwe, e sego ka thuto ya Gagwe go tšwa sekolong sa Gagwe.

¹²⁰ O be a ka se kgone go bega sekolo se A tšwago go sona. Ba rile, “O tšwa kae? O tšwa sekolong sefe? Ga re tsebe selo ka Monna yo.” Nnete, ga se ba ke ba ba le bohlatse bjo bo itšego bja Gagwe kae kapa kae. Eupša O...

¹²¹ Yeo ke tsela ye baprofeta ba tlidego godimo. Ba be ba sa tsebe mo ba tšwago. Ga ba tsebe selo ka Eliya, ka bohole ba bona. Ba nno tla go tšwa lefeeleng, gomme ba tloga. Seo ke sohle ba se tsebago. Ke banna bao Modimo a kago go ba swara. Banna ba

go swana le lena, bao Modimo a ka kgonago go ba swara le go ipolela Yenamong, gore A ke a ahlole moloko ka toko, gore A ke a ahlole setšhaba, a ahlole lefase. Ka gore, Lentšu le swanetše go ya pele felotsoko, gomme O hlokomela gore Bakgethiwa ba tsena ka gare go kwa Leo.

¹²² Bjale re hwetša, gore ge Jesu a be—a be a bolela, gomme O a lemoga, go be go le bao . . . [Ga go selo lefelong la theipi—Mor.]

¹²³ Go be go le bao ba bego ba eme fao, ba ba bego ba swanetše go araba go phuthego ya bona. Go be go le bao kua ba bego ba swanetše go araba go dikerekemaina tša bona, ge eba Bafarisei, Basadutsei, Herodian, e ka ba eng ba ka bago. Gomme kafao ba eme fale, gomme ba rile, “Monna yo o dira seo ka Beletsebubu. Yena ke mmolelelamahlatse,” ka mantšu a mangwe. “Ke sebalamonagano. O bala monagano wa bona.”

¹²⁴ “Jesu o bona dikgopololo tša bona.” Ba be ba se ba swanela go e bolela ntle kudu. O tsebile se ba bego ba se nagana. O swere dikgopololo tša bona.

¹²⁵ O a swana lehono bjalo ka ge A bile nako yela. O tseba se o se naganago, le a bona. Ge A le Lentšu, O swanetše go dula bjalo ka Lentšu. Bjale, ka go Bahebere 4, Beibele e boletše gore, “Lentšu la Modimo le a phela, le maatla kudu, le bogale go feta tšoša ya magalemabedi, mohlathi ebole le wa dikgopololo tša pelo.” Ke eng? Lentšu, Lentšu la Modimo le kgona go hlatha megopololo ye e lego ka pelong ya gago.

¹²⁶ Seo ke tlwa se A bego a le sona, Lentšu, gomme Lentšu le kgonne go hlatha dikgopololo tše di lego ka pelong. Le a bona? Bjale, seo ke se Lentšu le bego le le sona. Ba be ba swanetše go tseba seo, le a bona, gore leo ke lebaka. O bone megopololo ya bona, a lebelela godimo ga bona. Gomme O rile, “Ke tla le lebalela bakeng sa yona,” gobane O be a seso a bapolwa. Moya wo Mokgethwa o be o se wa be wa tla.

¹²⁷ “Eupša,” O rile, “ge Moya wo Mokgethwa o tlile,” go dira selo sa go swana seo A bego a se dira, gobane O tshepišitše O be o tla dira, le a bona, “ge Moya wo Mokgethwa o tlile, O tla tlisa dilo tše go kelello ya lena, se Ke le rutilego, gomme o tla le laetša dilo tše di tlago.” Le a bona? “Bjale ge A etla go dira selo se sa go swana seo ke se dirago, lentšu le tee kgahlanong le Ona le ka se tsoge la lebalelwaa, ka go lefase le le ka go lefase le le tlago.” Le a bona, ke ka fao e tla bago go gagamala mo matšatšing a a mafelelo. Le a bona? O tla aroganya, le a bona.

¹²⁸ Ka gona Modimo ka kahlolong ya Gagwe, boka A dirile ka Edene, A ka no re, “O e bone. O a e tseba. Ke e netefaditše, gomme ga se o e dumele.” Yeo ke yona.

¹²⁹ Bjale, gomme šetšang se A se dirilego ge A dirile se, se A se boletšego. Filipi o rile, “Wena o Morwa wa Modimo. Wena o Kgoši ya Israele.” Jesu o mmoditše gore dilo tše kgolwane go feta se o be a tla di bolela. Bjale, seo e be e le go Bajuda.

¹³⁰ Bjale go na le merafo ye meraro ya batho ka lefaseng, bontši bjo re—re nyakago go dumela, ke: Mojuda, Montle, le Mosamaria. Ka mehla re... Modimo o phethagetše ka boraro. Gomme go na le barwa ba bararo ba Noage, gomme go tšwa go bona barwa ba bararo ba tlišitše pele morafe ka moka wa batho.

¹³¹ Re a hwetša bjale, gore, Moya wo Mokgethwa. Petro ka letšatši la... pele ga Letšatši la Pentecost, o filwe dikgonyo tša Muušo. Re hwetša gore o O butše go Bajuda, ka Letšatši la Pentecost. Gomme o ile tlase Samaria, gomme a O bula go bona. A tla morago ntlong ya Koronelio, gomme a O bula fao. Gomme o be a se a swanela go e dira gape; O be o butšwe go lefase, le a bona, ka mokgwa woo, Moya wo Mokgethwa. Eupša le a elelwa, Filipi o ile tlase le go rerela Basamaria, gomme o ba kolobeditše Leineng la Morena Jesu, feela Moya wo Mokgethwa o be o se wa wela godimo ga e ka ba ofe wa bona nako yeo; kafao ba rometše godimo go yena yoo a swerego dikgonyo, gomme o beile seatla sa gagwe godimo ga bona, gomme Moya wo Mokgethwa o tlie godimo ga bona. Yeo ke therešo. Bao ke Bajuda, Bant... yona merafo ye meraro ya batho.

¹³² Bjale, rena Bantle, re be re le bahetene, Baroma, Bagerika, le go ya pele. Re be re rapela medimo ya diswantšho. Re be re se ra lebelela Mesia. Re be re se na le nako ya Mesia. Re be re na le medimo ya rena beng, borakgolo ba rena. Eupša Bajuda ba be ba lebeletše Mesia. Gomme le Basamaria ba be ba le bjalo, gobane ba be ba le seripa sa Mojuda le Montle.

¹³³ Bjale, Jesu o tla tšwelela go bao ba Mo lebeletšego; feela bao, yeo ke phetho. Ga A ikarabele go mosedumele. Eupša go modumedi O a tlamega. O tlamegile go tsošetša modumedi godimo, le a bona, mo letšatšing la mafelelo, feela go modumedi.

¹³⁴ Bjale re a hwetša, gore Jesu mo o itirile ka Boyena go tsebja go Mojuda. Yeo, re na le ba bangwe ba bantši, re ka kgona go tsea sefolu Baratamio, eupša go boloka nako... E be e le ba bantši ba bangwe go kgabola Lengwalo, tlwa a netefatša go bona gore O be a le Mesia, ka go ba Moporfeta. “Morena Modimo wa lena o tla tsoša Moporfeta wa go swana le Nna.”

¹³⁵ Ba be ba se ne baporfeta. Eupša bao ba ilego kgole go tloga go kgopolu gore O be a le Moporfeta, ba ile ba swanela go fa karabo go bona, kafao ba nno re, “O be a le di—di diabolo, moloi, goba, le a tseba, moyo tsoko wo mobe o dira seo.”

¹³⁶ Gomme O boletše gore, “E be e le sebe sa go se lebalelwé, go bitša modiro wa Moya wo Mokgethwa, ‘moya wo mobe, selo se sebe,’ seo, Moya wo Mokgethwa o etla le go dira Lentšu la Gagwe go bonagala.”

¹³⁷ Gobaneng? Go be go profetilwe gore Jesu o be a tla dira sona selo se. Ge A boditše Bajuda, O rile, “Gabotse, ke mang wa lena a ka go Nkahlola? Ke mang wa lena a kago go Mpea molato wa sebe?” Sebe ke “gosedumele.” Ge... O rile, “Puruputšang

Mangwalo, ka gore ka go wona le nagana le na le Bophelo bjo Bosafelego, gomme ke Ona a pakago ka Nna.” Ba be ba swanetše go ba ba e tsebile. Ba naganne ba e tsebile; eupša, ga se ba ke, ba be ba swanetše go be ba tsebile O be a le Lentšu thwi fale. O kgonne go hlatha tšona dikgopoloo ka dipelong tša bona, le go ya pele, le go dira feela tlwa se baprofeta ba se dirilego.

¹³⁸ Gobane, O be a le go feta moprofeta, O be a le Modimo wa baprofeta. O be a le hlogo le—le mafelelo a baprofeta. Letšatši le O bolela, Yenamong, ka Kereke ya Gagwe.

¹³⁹ Bjale ge re ela hloko ka fa, gore, O itsebagaditše Yenamong ka go phethagala le Bajuda, gore O be a le Mesia, ka go netefatša O be a le Moprefeta. Re tseba seo. Ga go na tsela ye nngwe. E sego ka seaparo sa Gagwe, e sego ka polelo ya Gagwe, e sego ka selo gape eupša ka go beng . . .

Gomme ka gona o re, “Gabotse, O leleketo bodiabolo ntle.”

¹⁴⁰ O tteleimile gore Bafarisei ba dirile selo sa go swana. O rile, “Ge Ke lelekela bodiabolo ntle, ka monwana wa Modimo, bana ba lena ba ba leleketo ntle ka mang?” Le a bona? Kafao ba be ba lelekela bodiabolo ntle, le bona. Le a bona? Kafao, eupša O be a ba lelekela ntle ka monwana wa Modimo, o rile, “Gona Mmušo wa Modimo o tlie kgaušwi le lena.”

¹⁴¹ Bjale re hwetša gore selo seo se Mo tsebagaditše go tlwa go beng me—me Mesia, e be e le moprofeta, gobane *Mesia* go ra “Yena motlotšwa.” Gomme a tloditšwe ka eng? Lentšu. Lentšu le le tloditšwego le no ba bjalo ka peu le meetse godimo ga Lona, ka mobung wa maleba, Le tliša pele tlwa tshepišo ya Lona. Ke ka baka leo A rilego, “Ke mang a ka kgonago, ke mang a ka kgonago go Nkahlola? Ke mang a ka Mpotsago gore Ke . . . Ge Ke sa dire mediro ya Tate wa Ka, gona se Ntumeleng. Gomme le ke Lentšu. Mathomong go be go le Lentšu, gomme Lentšu le be le go Modimo, gomme Lentšu e be e le Modimo. Ge Ke sa dire se Lentšu le le se tshepišeditše moloko wo, gona le se Ntumele,” O boletše.

¹⁴² Oo, a go ka se makatše, lehono, ge kereke e be e ka kgonago bolela selo sela sa go swana, re ka kgonago ema kua? Ye, ge re sa dire mediro ya Modimo, gona ga se Modimo. Gomme mogohle Modimo a lego, sa kagodimogatlhago se a direga, gobane Yena ke sa kagodimogatlhago. Le a bona, Yena ke—Yena ke Moya. Modimo ke Moya.

¹⁴³ Bjale re hwetša gore O ya tlase Jeriko, eupša O bile le tlhoko go feta Samaria. Bjale, Samaria e go dikologa thaba. Jeriko e tlase patogeng ya thaba. Eupša tseleng ya Gagwe go theoga, sebakeng sa go ya thwi tlase Jeriko, O ya go dikologa ka Samaria. Ke a makala gobaneng? Gomme O tla go toropokgolo ye e bitšwago Sikara. Gomme ba . . . o rometše barutiwa ka gare go hwetša dijo tsoko, dijo.

¹⁴⁴ Gomme ge ba be ba le ka gare go reka dijo tše, O dutše fase hleng le sediba. Gomme e be e le sediba, bjalo ka ponagalo ye nnyane, bjalo ka, lefelong la kgobokano ya setšhaba bakeng sa batho ba etla ka morago go ga meetse a bona. Gomme se sa le gona lehono. Gomme merara e goletše godimo ga leboto, gomme Jesu o be a dutše godimo kgahlanong le leboto.

¹⁴⁵ Gomme ge A be a dutše fao, go be go le mohumagadi yo moswa a etla ntle go tšwa toropongkgolo. Re tla nyaka go mmitša, lehono, mosadi wa tumo ye mpe. Gomme mohlomongwe ngwana o ile a gapelwa go seo, gomme, yena, mohlomongwe batswadi ba gagwe ba mo lokollela mokgotheng. Gomme le tseba se ke se rago. Gomme ke nagana mohumagadi, mosadi, ka kgonthe se sengwe se diregile; ga se ra botšwa ka Lengwalong, eupša hlokamelang se se diregilego go pelo ya mosadi yola. Le a bona? O tlide ntle go ga meetse, gomme e swanetše go ba e bile e ka ba ka sekgalela.

¹⁴⁶ Ka mehla methepana, le gabjale lehono, ba ya ntle ka pela mosong gomme ba hwetša meetse a bona, gomme ba a bea godimo ga dihlogo tša bona, ka go meeta ya bona ye megolo ya letsopa, gomme ba e rwala go dira meetse a bona a go nwa le mošomo wa bona wa ntlo, le e ka ba eng ba yago go e dira.

¹⁴⁷ Gomme mosadi yo moswa yo o tlide ntle tikologong ya sekgalela. Gobaneng? O be a ka se kgone go amana le batho ka moka, ba—ba batho ba go loka. O be a ka se kgone go swarwa magareng ga bona. Ba be ba mo šikologa, gomme o ikwetše gampe ka yona, kafao o be a tla dula morago. O tsebile ke mohuta ofe wa bophelo bjoo a bego a bo phela, kafao o dutše kgole go tloga go batho ba bodumedi.

¹⁴⁸ Bjale re a hwetša, ge a etla ntle, mohlomongwe ga se a ke a lemoga gore ke Mang yo a bego a dutše godimo kgahlanong le leboto.

¹⁴⁹ Gomme meeta yeo ba nago nayo, yeo ke e bitša yona. Bona ba . . . Ba bangwe ba bona ba e bitša dipakete. E na le mekgoko. E dirilwe go tšwa go—go letsopa. Gomme e na le thapo, gomme feela dihuku tše pedi tše di yago ka gare. Ba e theosetše tlase ka sedibeng. Gomme go beng . . . ba a e didimetše gomme e tlala ka meetse, gomme ba e gogela morago godimo. Gomme ba e rwala godimo ga hlogo ya bona, le godimo ga matheka a bona, ge ba sepela.

¹⁵⁰ Gomme mosadi yo o be a no ba kgauswi le mohlomongwe go kgoka dihuku godimo ga mo—mo moeta, gomme o be a no ba kgauswi le go o theosetše fase, gomme o kwele Segalontšu, se re, “Mosadi, Ntlišetše seno.” Gomme o lebeletše godimo go bona o be a le Mang. Gomme fale go dutše mohlomongwe, bontši goba bonnyane, boka Mojuda wa mengwaga ya magareng a dutše fale. Gomme O be a se eupša e ka ba bogolo bja mengwaga ye

masometharo le metšo, masometharo pedi goba masometharo tharo a mengwaga bogolo, mo nakong.

¹⁵¹ Gomme, eupša O swanetše go be a be a lebega bogolwane gannyane go feta se A bego a le sona, gobane O be a biditšwe, Mokgethwa Johane 6, go beng masometlhano. Ba rile, “O monna yo a sego ka godimo ga bogolo bja mengwaga ye masometlhano, gomme O re O bone Abraham? Bjale re a tseba O tshereane. O a gafa,” go rago go *tshereana*. “O na le diabolo.”

O rile, “Pele Abraham a bile, KE NNA.” Le a bona?

¹⁵² Bjale, O swanetše go be a be a pudufetše gannyane, goba se sengwe. O be a dutše fale, mohuta wa monna wa go bogega mengwaga ya magareng. Gomme O...O rile, “Gobaneng, ga se setlwaedi.” Le a bona, go be go le kge–kge kgethologanyo magareng ga bona. Ba be ba se na le ditirišano mongwe go yo mongwe. O rile, “Ga se setlwaedi go lena Bajuda go kgopela Basamaria le dikgaogelo tše bjalo ka tše.”

O rile, “Eupša ge o ka be o tsebile Yo o bego o bolela le yena!”

¹⁵³ Le a bona, oo, šeo yona! Ge feela re ka be re tsebile, oo, ge re bala se, Yo re bolelago le yena, le a bona. Ge o rapela, ge o...Jesus o rile, “Ge o rapela, dumela gore o amogela se o se kgopelago.” Le a bona?

¹⁵⁴ “Ge feela o ka be o tsebile o be a le Mang o bego o bolela le yena, o be o tla Nkgopela meetse, gomme Ke be ke tla go tlišetša meetse ao o sa a hwetšwego go tšwa sedibeng se.”

¹⁵⁵ Gomme po—po poledišano e ile pele lebakana le lennyane, o rile, “Gabotse, tatago rena,” le a bona, yena go beng Mosamaria, efela o rile, “tatago rena, Jakobo, o epile sediba se. Gomme o nwele go tšwa go sona, le bana ba gagwe, le go noša dikgomo, le go ya pele.”

Eupša O rile...

“Gobaneng, O re, ‘Rapelang ka Jerusalema,’ gomme—gomme ba bangwe, ‘Rapelang ka thabeng ye,’ le go ya pele.”

¹⁵⁶ O rile, “Rena Bajuda, phološo ke ya Bajuda, re tseba se re se rapelago. Eupša,” o rile, “Nkwe, nako e a tla, gomme bjale ke yona, ge Tate a nyaka barapedi ba therešo, ba tla bego ba rapela ka Therešo le ka Moya.” Le a bona, Moya le ka Therešo!

¹⁵⁷ Gomme poledišano ya bona e ile pele le—le lebakana le lennyane. O be a dira eng? Bjale le tla nyaka go tšeа lentšu la ka bakeng sa se. Le a bona, ke nagana O be a leka go hwetša moo bothata bja gagwe bo bego bo le gona, se se bego se le monaganong wa gagwe. Bjale, elelwang, Tate o be a Mo romile godimo kua, “Ke na le nyakego ya go feta Samaria.” Bjale O rile...Gomme yoo ke Mokgethwa Johane 4.

¹⁵⁸ Bjale ka go Mokgethwa Johane 5:19, ge A fodišitše monna mo kgorong e bitšwago ye Botse, re a tseba O...Aowa, ke kgopela

tshwarelo ya lena, O be a le mogobeng wa Bethesida. O fodišitše monna yo, gomme o ile a botšiwa gobaneng A se a fodiša bohle ka moka ga bona.

¹⁵⁹ Bjale, monna yola. Go be go le batho ba robetše kua ba e bego e le dihlotša, digole, ba go omelela, difofu. Gomme šo O a tla a sepela go kgabola fale, a sepela go kgabola mogobe wo, gomme O ile go monna, yoo, ga ke tsebe se a bilego le sona. A ka no ba a bile le TB, bothata bja proseteite, se sengwe. O be a šitišitšwe, o bile le bjona lebaka la mengwaga ye masometharo seswai, e be e sa ye go mmolaya. O—o be a kgona—o be a kgona go sepela, o be a eya tlase.

¹⁶⁰ Eupša elang hloko, O tla thwi go kgabola mogobeng wola wa batho, moo bohole ba bego ba le gona, mašabašaba, dikete tša bona, ge ba robetše kgorong ya dinku, “ba hlokometše go huduega ga meetsse.” Modimo ka mehla o bile le tsela bakeng sa phodišo Kgethwa, bakeng sa batho. Gomme ka fao yo a gatelago ka gare pele o be a tla be a bile le tumelo ye e lekanego, e be e tsea bokwala go tšwa meetseng, o be a fodišwa.

¹⁶¹ Eupša elang hloko, Monna yo Jesu o tlide go kgabola fale, e bego e le yena Modimo wa tlholo, gomme O tlide go kgabola kgoro, gomme a hlakana magareng ga batho, e no nagana, a na le kwelobohloko. A le a dumela O bile le kwelobohloko?

¹⁶² Bjale e nong go ema feela nakwana gomme le nagane ka se. Go na le mohumagadi le lesea ka hlogomeetse mohlomongwe bogolo *bjo* go dikologa, o fetile thwi kgauswi. Gomme mo go be go le monna yo a bego a foufetše, “Yo mongwe nkgaogele gomme o mpee ka mogobeng.” Beibele e rile ba be ba le dihlotša, difofu, digole, ba go omelela. Monna tsoko wa go šokiša a robetše fale, yoo ka kgonagalo matsogo a gagwe a bego a se bogolo *bjoo* go dikologa. Goba, mme yo monnyane le sehlopha sa bana ka gae, gomme Jesu wa kwelobohloko o fetile thwi kgauswi le yena. Seo se a tlabo? Gomme, efela, a tletše ka kwelobohloko. Eupša yeo ke Beibele. E ka ba mang . . . Le a bona, bjale šetšang. Ga re tsebe se kwelobohloko e se rago.

¹⁶³ Mo eleng hloko. O hweditše monna a robetše malaong, yo a bego a kgona go sepela, gomme A re go yena, “A o tla rata go thakgafatšwa?” Gobaneng yola? Le a bona, gobaneng yola? Bjale šetšang gomme O tla le botša. Jesu o tsebile monna yo o be a le kua ka go nako ye, le a bona, mengwaga ye yohle. O mo fodišitše, o mmuditše a tsee malao a gagwe gomme a ye gae. Gomme o dirile. Ba mo hweditše a rwele malao a gagwe, gomme ba hweditše Jesu le go Mo tliša pele ga kgorotsheko.

¹⁶⁴ Theetšang se A se boletsego, “Ruri, ruri, Ke re go lena, Morwa ga a kgone go dira selo ka go Yenamong, eupša se A bonago Tate a se dira.” Go na le kwelobohloko, go tseba thato ya Modimo gomme morago ba e dira. Le a bona? Le a bona? “Morwa ga a kgone go dira selo ka go Yenamong, eupša se A se bonago,” e

sego go kwa. E sego... Le a bona? "Se A bonago Tate a se dira, seo Morwa o se dira go swana."

¹⁶⁵ Kafao O swanetše go be a bile le po—po pono ya go ya godimo kua, "O bile le tlhoko go feta Samaria," gomme O tsebile mosadi yo o be a tla ba kua. Kafao go e tsebeng, O no tla godimo fale le go ba ka go keiti ye, a romela barutiwa kgole. Mo... Ka gona O be a sa tsebe a dire eng ge mosadi a thoma go botšiša dipotšišo tše, le go ya pele, kafao O nno letela Tate go Mmontšha. Gomme ge A hweditše se bothata bja gagwe bo bego bo le... Ke ba bakae ba tsebago e be e le eng? O bile le bannabagatša ba bantši kudu. Gomme kafao O mmoditše, o rile, "Sepela o tše monnamogatša wa gago gomme le tle fa."

¹⁶⁶ "Gobaneng," o rile, "Ga ke ne le ge e ka ba monnamogatša." Seo se be se lebega boka kgalemo ya go otlologa. Le a bona?

¹⁶⁷ "Gobaneng," O rile, "o boletše therešo, gobane o bile le ba bahlano, gomme yo o dulago le yena bjale ga se monnamogatša wa gago. Ka go seo bjale o boletše gabotse, wena 'ga o ne monnamogatša.'"

¹⁶⁸ Šetšang mosadi yola yo monnyane. Le a tseba, o be a ka kgona go ruta diphesente tše masomesenyane tša baruti, lehono, Ebangedi. Le a bona? Gobaneng, gonganeng baprista bale ba eme kua le go Mmitša "Beletsebubu," ge yona Beibele ya bona e rile seo ke se A tla se dirago? A yeo ke nnete? Gomme mo go eme mmalegogwana, mosadi wa tumo ye mpe, gomme, ka pela ge A boletše seo go mosadi yola, ga se nke a re, "Gabotse, O Beletsebubu."

¹⁶⁹ O rile, "Mohlomphegi, ke a bona gore O mprofeta." Bjale šetšang setsopolwa sa gagwe. "Re a bona, ke a bona gore O mprofeta. Re a tseba gore ge Mesia a etla, yo a bitšwago Kriste; re Mo lebeletše go tla, gomme, ge A etla, O ya go re botša dilo tše. Se ke se A yago go se dira."

¹⁷⁰ Leo e be e le leswao la Mesia, maabane. Leo ke leswao la Mesia, lehono, go swana. Le a bona?

¹⁷¹ "Re a tseba ge Mesia a etla, O tla re botša dilo tše, eupša Wena o Mang?" Yeo e be e le potšišo. "Ke a tseba O mprofeta. Ga se re be le o tee lebaka la makgolo le makgolo a mengwaga."

"Lengwalo la rakgolo-khukhu-khukhu-khukhu-khukhu-khukhu godimo mo le rile ba bile le mprofeta, wa mafelelo, Maleaki, mengwaga ye makgolonne le metšo ya go feta; ga se ra ke ra ba le mprofeta ka Israele ge e sa le, eupša mo go eme Monna a mpotša se."

"O mprofeta. Gomme re lebeletše Mesia."

Jesu o rile, "Ke nna Yena, yo a bolelagoo le wena."

¹⁷² Bjoo ke boitsebagatšo bja Gagwe. Ke ka mokgwa wo A itsebagaditšego ka Boyena go Israele. Šo Yena le Basamaria, o itsebagatša ka Boyena.

¹⁷³ “Ke nna Yena, yo a bolelago le wena.” Gomme, godimo ga seo, ga se a ke a e botšiša. Le a bona, Bophelo bo tsebilwepele ke Modimo.

¹⁷⁴ Gomme ga go kgathale ke bontši gakaakang Baifarisei bale ba lekilego go ba ba bodumedi, Jesu o rile, “Bona, ba be ba foufaditšwe.” O rile, “Jesaya o boletše gabotse ka lena, ‘Le na le mahlo, gomme ga le kgone go bona. Le na le tsebo, gomme ga le kwešiše.’ O mofahloši, gomme ga o tsebe se o bolelago ka sona. Wena o, le a bona, o na le dilo tše tšohle.”

¹⁷⁵ Gobane, le a bona, Jesu o rile, “Ga go motho a ka tlago go Nna ntle le ge Tate wa Ka a mo goga, gomme bohle ba Tate a Mphilego ba tla tla go Nna.” Gomme O boletše seo, a ga se A ke? Le a bona?

¹⁷⁶ E be e le eng? Go be go le Beibele, e rile, ka go Baheb-... ka go Puku ya Kutollo. Ka mašatšing a mafelelo ge “molwalekriste” a tsoga go—go lefelotiragalo, go batamelana kudu go swana le selo sa kgontha, “e tla fora le bona bakgethiwa ge go be go kgonega.” Eupša, gomme ka gona O boletše gape, “o forile bohle godimo ga lefase, bao maina a bona a sego a ngwalwa godimo ga Puku ya Kwana ya Bophelo, ye e hlabilwego pele ga motheo wa lefase.”

¹⁷⁷ Le a bona, maina a bona a beilwe godimo ga Puku ya Bophelo, Puku ya Topollo. Jesu o tlide go lopolla bao ba bilego le maina a bona ka Pukung. Gomme ge leina lela la mafelelo le lopolotšwe, Kwana e tše Puku gomme ya sepela; yeo ke phetho, topollo e fedile, e tswaletšwe. Bale!

¹⁷⁸ Gomme o be a le eng? O be a le yena yoo a bilego le leina la gagwe Fale. Ga go kgathale ke mohuta ofe wa seemo a bilego ka fale, ka pela ge Seetša sela sa therešo sa Ebangedi se rathile seotswa sela se sennyane, o Se lemogile. Ka baka la eng? Go be go le selo se sengwe ka fao go se thumaša. Le a bona, o ile a Se lemoga.

¹⁷⁹ O ka no tšhela meetse ka gare ga petrole, a tla no a šitiša; eupša a nke mollo wo monnyane o o e tie nako ye nngwe, gomme šetša se se diregago, le a bona. Go tše tlhase ya tumelo, go Lentšu la Modimo. Ge ba tseba gore ke Therešo, go na le selo se sengwe se a direga!

¹⁸⁰ Ga se nke a botšiša potšišo e tee gape. O tsebile yoo e be e le Mesia yola. Gobaneng? O be a itsebagaditše ka botlalo Yenamong. Go no swana le Filipi ge a rile, “Ka baka la eng, O Morwa wa Modimo, Kgoši ya Israele!”

¹⁸¹ Go be go le bao fale, ba rile, “Bao ke, Yena ke babolelelamahlatse, seo ke se A lego.”

¹⁸² O rile, “Le ka se kgone go lebalelwa seo, ge Moya wo Mokgethwa o se dira.” Le a bona? O boletše.

¹⁸³ Eupša bjale šetšang fa ka fao A tsebagaditšwego go yena. Gomme o kitimetše ka toropongkgolo ka pela, gomme o boletše go banna.

¹⁸⁴ Bjale, ka kgonthe, ge go na le Motšwabohlabela yo a itšego fa, wena, Beibele ke puku ye mpsha go—go monna go tšwa Bodikela, yo a yago Bohlabela gatee, le a bona, ka gore metlwae yohle, ba sa e phela ka tsela ye e swanago. O be a se ne tokelo go ya ka toropongkgolo le go bolela le banna. O be a ka se kgone go e dira. Ka kgonthe ba be ba ka se mo theetše.

¹⁸⁵ Eupša o be a na le molaetša, wo go sego selo se bego se ka kgona go mo emiša. Le a bona, o be a hweditše Bophelo, selo se sengwe se se rathilego. O kitimetše ka toropongkgolo le go botša banna, “Etlang, bonang Monna yo a mpoditšego dilo tše ke di dirilego. A yoo ga se yena Mesia? A seo ga se se re bego re se lebeletše?”

¹⁸⁶ O tsebagaditšwe bjalo ka Mesia! Gomme Beibele e boletše gore, ge Jesu a ttile ka toropongkgolo, ga se A tsoge a dira seo nako ye nngwe gape, e sego go bona. Eupša ba dumetše se mosadi a se boletšego, le a bona, gomme ba Mo amogetše. Ga se A tsoge a fodiša balwetši e ka ba bafe; O tsebile Filipi o be a etla tlase go dira seo, kafao, le go ba dira ba otlollwe, ka morago ga ge Moya wo Mokgethwa o ttile, kafao O nno ba dira ba tsebe gore O be a le Mesia.

¹⁸⁷ Bjale lebelelang, go be go le Bajuda, ba lemogilego Jesu. O tsebagaditšwe mo bofelong bja lebaka la bona, bjalo ka Mesia, gomme ke ka mokgwa wo A e dirilego.

¹⁸⁸ Tsela ya go swana le Basamaria, ba be ba lebeletše Mesia. Ke ka mokgwa wo A itsebagaditšego Yenamong bjalo ka Mesia.

¹⁸⁹ Bjale e bile mengwaga ye dikete tše pedi le Bantle, ba amogetše Ebangedi. Bjale lebaka la rena le a fela, lebaka la kereke, re a fetša. O a swana maabane, lehono, le go ya go ile, ga a tsoge a fetola dipolane tša Gagwe. Gomme ge A be a eme magareng ga rena, bosegong bjo, O be a ka se be monna a apere diaparo tše kgolo tša boruti, sethakga tsoko sa polelo, goba mofahloši, goba se sengwe, eupša O be a tla netefatša go rena gore O be a le Mesia. Le a bona? O rile, ge A be a le mo lefaseng, O rile, “Bjalo ka ge go bile ka matšatšing a Sodoma, go tla ba bjalo ka go Tleng ga Morwa wa motho.”

¹⁹⁰ Šetšang se kgauswi ka kgonthe. Mo matšatšing a Sodoma, gomme ka mehla, go bile magoro a mararo a batho.

¹⁹¹ *Tharo* ke nomoro ya “phethagalo”, re a tseba. Gomme šupa ke “go felela.” *Masomenne* ke “moleko.” *Masometlhano* ke “megobo.” Le tseba dipalontshetshere tša Lengwalo.

¹⁹² Eupša bjale elang hloko, ka—ka Sodoma, go be go le magoro a lena a mararo a batho. Go be go le Basodoma ba lena, bao e bego e le basedumele. Go be go le Loto le sehlopha sa gagwe, e bego e le badumedi ba bolelo, kereke ya tlhago. Go be go le Abraham, wa semoya, mmiletšwantle, mokgethiwa, ntle ka lešokeng kgole go tloga Sodoma.

¹⁹³ Šetšang, Barongwa ba bararo ba tlie fase go tšwa Legodimong, letšatši le lengwe. Dibe tša Sodoma di bile tše mpe go swana le ka mo di lego lefaseng lehono. Ba tlie tlase. Bjale, Ba be ba lebega boka batho, Ba be ba apere diaparo boka batho ba apara; lerole godimo ga Bona, gomme maoto a Bona a be a le ditšhila go tšwa go go sepela. Gomme Abraham, a dutše ka tlase ga mouuko, o Ba bone ba etla bokgole.

¹⁹⁴ Bjale re bolela ka se Jesu a se boletšego go direga mo nakong ya bofelo, feela pele ga go Tla ga Gagwe. Bjale, elelwang, Basodoma e be e le Bantle.

¹⁹⁵ Elang hloko bjale, re hwetša gore, mo Ba tla godimo, Banna ba. Gomme Abraham, semoyeng, o etše hloko gore go be go le selo se sengwe ka Banna bao ba be ba fapani le basetsebje ba go tlwaelega.

¹⁹⁶ Go no ba selo se sengwe, ge modumedi a kopana le modumedi, ge modumedi a kopana le Lentšu! Ge, se sengwe go swana le mosadi yola, le a bona, ba—ba beetšwe go Leo. Ba no se kgone go thuša go Le dumela. Go na le se sengwe se a ba ratha, le a bona, ba na le Lona.

¹⁹⁷ Gomme ge Abraham a bone Banna ba ba etla, o ile ntle. Gomme o rile, “Morena wa ka, a O tla tla kgauswi gomme a nke ke tsee meetse a mannyane gomme ke hlatswe maoto a Gago? Gomme ke tla go fa lerathana la borotho, ka seatleng sa Gago, gomme o be tseleng ya Gago, ka gore seo ke se O se tletšego.” Ba retologetše ka thoko.

¹⁹⁸ Bjale, ka tenteng kgolo, e be e le moo Abraham a bego a dula. Gomme ba bantsi ba bahlanka ba gagwe, go lekanelo go lwa le sešole, ba be ba dula ntle tikologong kua. Ba be ba le badiši. Kafao o kitimetše ka gare le go botša Sarah, mosadimogatša wa gagwe, go “Sepela o dube bupi bjo bo itšego, goba bupi.” Le a tseba, bo dube, e šuthe, boka. “Gomme dira dikuku tše dingwe gomme di bee godimo ga masego.” Gomme—gomme ka gona, gape, o ile ntle ka mohlapeng gomme a hwetša namane ye e nonnego, gomme—gomme a e bolaya, gomme a e fa mohlanka, gomme o rile, “E lokiše, gomme o dire digoba tše dingwe—tše dingwe.” Gomme o ile ntle le go bolela le Banna.

¹⁹⁹ Ka pela, o ile morago le go tsea folouru le bo—bo borotho, gomme a hwetša maswi tsoko le nama tsoko, le go tšwela ntle le go e bea fase pele ga Bona. Gomme Beibele e rile, “Ba jele. Ba a ja.”

²⁰⁰ Gomme le ela hloko, Monna yo motee o ile a tšwelapele a lebeletše go lebanya Sodoma. Gomme A re, “Nka se boloke sephiri se.”

Ba babedi ba Bona ba emelela gomme ba ya pele. Ba ya tlase ka Sodoma.

²⁰¹ Billy Graham wa sebjalebjale le Oral Roberts, gomme kafao Ba tseleng ya Bona go theoga, le a bona, sago ya tlase ka go Basodoma, go thuthupiša Ebangedi boka Billy Graham le bona ba dira. A le kile la ela hloko? Bolokang se bjale. Ke a holofela ga ke bolele e ka eng sa phošo. Eupša, re bile le se, semoyeng.

²⁰² O swanetše—ga wa swanela go tsoge wa lebelela dilo ka tlhagong. Lebelela moya wa e ka ba eng. O nyaka go lebelela toropokgolo, lebelela moya wa yona. O lebelela lapa, lebelela meboya ka lapeng. Lebelela monna, lebelela moyo o lego ka go yena. Le a bona, eng kapa eng o e lebelelago, se sengwe le se sengwe se swanetše go ba le maikaeleo le maikemišetšo. Le a bona?

²⁰³ Gomme šetšang fa, a le be le tseba, monna yohle yo mogolo re bilego le yena, Sankey, Finney, Moody—Moody, Knox, Calvin, le go ya pele, ga se gwa ke gwa tsoge gwa ba monna le bjale, tšhemong, ka bodiredi go kereke ya mehleng, yo a felelago ka h-a-m, boka A-b-r-a-h-a-m, G-r-a-h-a-m. Ga se gwa tsoge peleng. O thwi ka bogareng bja Sodoma, ke ka baka leo. Monna o dira mošomo wa go makatša. Fao ke mo a swanetšego go ba, le a bona, h-a-m e ra “tatago ditšhaba.” Le a bona?

²⁰⁴ Elang hloko bjale, yo motee wa bona o ile tlase ka kua go rerela Basodoma. Ba ile tlase kua.

²⁰⁵ Yo motee wa bona o dutše morago mo le Abraham. Elang hloko bjale, o be a le “Abram” matšatši a se makae pele ga fao. Gomme o be a le “Sarah,” e sego S-a-r-a-h. Le a bona? Ke r-a-... Gomme o be a le A-b-r-a-h-a-m bjale. Gomme, elang hloko, O mmiditše ka leina la gagwe le leswa, “Abraham, mosadimogatša wa gago o kae, S-a-r-a-h, Sarah? O go kae?”

²⁰⁶ Basadi nako yeo ba be ba fapana ga gannyane ba lego bjale, le a bona, ba be ba sa ye ntle ka go taba ya monnamogatša wa bona. Ba be ba le morago, ba dula... O be a le morago ka tenteng. Kafao o rile, o rile, “O ka tenteng, ka morago ga Gago.”

²⁰⁷ O rile, “Abraham, Nna,” lešalašala, “Ke ya go go etela go ya ka tshepišo yeo Ke go diretšego.” O be a le mang yoo? Le a bona? O be a le mang Motho yo a dutšego fale a apere diaparo tša lerole? “Ke ya go go etela go ya ka tshepišo yeo Ke go diretšego.”

²⁰⁸ Gomme Sarah, e le mokgekolo, o mohuta wa, bjalo ka ge re ka e bitša lehono, mohuta wa bosawana, le a tseba, o segile go yenamong. “Nna, mokgekolo?” O be a le mengwaga ye lekgolo bogolo bjale, le a bona. O rile, “Nna, mokgekolo, motšofe; le morena wa ka,” e bego e le monnamogatša wa gagwe, “a tšofetše,

le yena, re ka ba le boipshino?" Bjale re batheeletši ba go hlakana, eupša ke... O theetša ngaka ya gago; gomme ke nna ngwaneno. Le a bona, ka kgonthe bjalo ka—bjalo ka—bjalo ka taba ya leago, e kgaoditše, ye mentši, mengwaga ye mentši, le a bona, gomme kafao ba—ba be ba se ne taba ya lapa e ka ba efe. Gomme o rile... "Nna ka ba le maipshino le morena wa ka, yena a tšofetše?" O ile a e belaela.

²⁰⁹ Gomme Morongwa, Motseta, Monna, Motho, ka nameng ya motho, a ejá namane ya kgomo le go nwa maswi a gagwe, le go ja borotho, o rile, "Gobaneng Sarah a segile, morago ka morago ga Ka?" Le a bona? Naganang ka yona.

²¹⁰ Jesu o rile, "Seo se tla bušeletša gape, bjalo ka ge go bile." Go dira eng? Bjale elelwang, Yena yola ga se a dira seo tlase ka Sodoma. O bonagaditše feela leswao lela godimo fa go seholophia se se kgethilwego seo se bego se sa ye go ba ka mollong. Elelwang, yeo e be e no ba pele mebušo ya go tsebja ya Bantle e tshungwa. Gomme seo ke tlwa se se yago go direga bjale. Seo ke se re se lebeletšego, thwi bjale. "Modimo," Jesu o rile, "o tla bonagatšwa," ka mokgwa wo mongwe, "ka matšatšing a mafelelo, ka go batho. Ke ge go bile bjalo matšatšing a Sodoma, go tla ba bjalo ka go tleng ga Morwa wa motho."

²¹¹ Gomme, elelwang, bakgethiwa ga se ba ke ba tsoge ba bona leswao le lengwe e ka ba lefe ka morago ga fao. Ga go nako e tee Modimo a bonagetšego go Abraham ka morago ga fao. Ga go selo gape ka lefaseng, eupša Sarah o ile a bušetšwa ka pela go lekgareba, gomme Abraham go lesogana; gomme ba ile tlase, gomme Abimeleke o mo ratile gomme o nyakile go mo nyala, gomme yena a le bogolo bja mengwaga ye lekgolo. Gomme ba tlišitše pele ngwana yo. Ka baka la eng? Ba be ba lebeletše morwa wa tshepišo.

²¹² Gomme seo ke se re se lebeletšego lehono, Morwa wa tshepišo. Gomme pele Morwa yola wa tshepišo a fihla, Kereke ye e kgethilwego e swanetše go bona Modimo a bonagaditšwe nameng, a bolela diphiri tša pelo, le go tseba dilo tše ke di dirilego. "Jesu Kriste wa go swana maabane, lehono, le go ya go ile."

²¹³ Elelwang, yo motee tlase ka kua ka Bab-, ka Sodoma bosegong bjo, a ba fago molaetša, ngwanešu wa go hlomphega, Billy G-r-a-h-a-m, feela maletere a tshela, G-r-a-h-a-m, (a gagwe e be e le A-b-r-a-h-a-m), motseta go kereke ya mehleng, o e thuntšheditše ntle go bona, tlwa. Gomme o dirile eng? Mohlolo o tee feela a o dirilego, o ba foufaditše. Gomme go rera Lentšu go foufatša mosedumele. Ee, o dumetše. Nnete, o dumela se; eupša o be a romilwe, o rile, go boradipolitiki bale, go ba betha. Gomme yeo ke nnete tlwa, kafao yena šole tlase fale ka Babilonia ya lefase, tlase kua ka go—ka go Sodoma ya sebjalebjale, o rerela dikerekemaina tše, o a rothotha.

²¹⁴ Gomme batho ebile ga ba e amogele ka tlhokofalo. Bošego bjo bongwe, ka Los Angeles, ka raling ye kgolo, ke bone makgolo atiša ka makgolo a etla godimo go dira diphetho. Batho ba baswa ba etla godimo, batšwamahlalagading, ba kubana yo motee go yo mongwe, le go hlahuna moti wa go hlahunwa, le go goga moriri wa bona seng, le go dira, ba etla godimo go dira sephetho. Ga go makatše ke Babilonia! Ga go makatše ke Sodoma! Selo sohle se loketše go tšhungwa.

²¹⁵ Modimo o mo. Jesu Kriste o a swana maabane, lehono, le go ya go ile. Maatla a Gagwe a no swana lehono bjalo ka ge a kile a ba. Ga A šitwe. A ka se kgone go šitwa. Yena ke Modimo. O swanetše go dula a le Modimo. Nnete! “Bahlomphegi, re rata go bona Jesu,” e sego go kwa dikgerekgere, “go bona maatlatshepedišo a Gagwe.” A le dumela seo? Bjale beke ye re ya go Mo lebelela, re ya go Mo lebelela go sepela magareng ga rena le go re laetša gore O a swana maabane, lehono, le go ya go ile.

²¹⁶ Lebelelang ge A be a bapolwa, baswaswalatši ba kgale, bona masole a Roma a go tagwa ba tlie ntle kua gomme ba Bea lešela go dikologa sefahlego sa Gagwe, gomme ba Mmetha godimo ga hlogo, ba rile, “Bjale, ge O le moprofeta, profeta gomme o re botše ke mang a Go bethilego.” Le a bona? Ga se A direle diabolo metlae. Ga se nke a bula molomo wa Gagwe le go bolela lentšu. Nnete, O tsebile. Ba neelešane lepara, yo motee go yo mongwe, ba rile, “O re botša yo a Go bethilego bjale, gomme re tla Go dumela.” Le a bona, bao ke baswaswalatši, ga se ba e dumela. O be a le Moprofeta, eupša ga A direle batho motlae.

²¹⁷ Tše ga se dipontšho tsa ka thoko. Tše ga se se sengwe, pontšho ya sefaleng. Ke Bogona bja Jesu Kriste. Ke Maatla a Gagwe magareng ga batho, gomme re swanetše go A tsena ka botebo bja tlhokofalo.

²¹⁸ Sathane le yena, “Ge O le Morwa wa Modimo! O rile O ka dira mehlolo, a nke ke Go bone o dira *se*, goba o dira *sela*.”

²¹⁹ O rile, “Tloga morago ga Ka, Sathane. O a bona, go ngwadilwe,” yeo ke nnete, “gore o tla hlankela Morena, gomme o tla rapela Yena a nnoši.” Kafao re... Goba, “Rapelang Morena; Yena a nnoši le tla mo direlago.”

²²⁰ Bjale re a tseba gore O a swana. Bjale ge re etla bošegong bjo, re a hwetša bjale ge... Jesu a ka se kgone go šitwa, gobane O be a le Modimo. Yena ke Lentšu. Lentšu le Kriste ba a swana. Ka gona ge Lentšu le tshepiša (Lentšu) gore se se swanetše go direga ka matšatšing a mafelelo, Moya wa Eliya ebile ke wa go bowa mo letšatšing la mafelelo, yeo ke nnete, godimo ga batho, gomme O swanetše go bušetša dipelo tsa bana ba botate morago go botate, Thuto, dikokwane tsa Beibe. Ba ile kgole ka go kerekeleina, mokgatlo. Gomme maatla a magolo a Modimo a swanetše go tla godimo ga batho, ka mong wa khutšo yoo a tla romelago dipelo tsa bona morago go go gopola gore O sa dutše a le Modimo, gore

Yena ke Modimo. Jesu o tshepišitše gore dilo tše A di dirilego, badumedi ba Gagwe ba be ba tla e dira, “Mediro ye Ke e dirago.”

Moisa tsoko o rile, “Oo, re a dira! Re dira mediro ye megolwane.”

²²¹ Ke rile, “E no dira mediro ye A e dirilego. Seo ke se A se boletšego, o a bona. Dira yeo pele.”

²²² O rile, “Gabotse, re na le baena ba kerekeleina tikologong, bao ba rerago Ebangedi tsela yohle go dikologa lefase. A be a ka se kgone go e dira.”

²²³ Ke rile, “Gona dira mediro ye A e dirilego, pele, morago re tla bolela ka seo.”

²²⁴ A le a fahloša? Eupša Jesu ga se a ke a re, “Eyang ka lefaseng lohle gomme le rute *se*, goba le rute *selā*.” O rile, “Eyang ka lefaseng lohle gomme le rere Ebangedi.” *Go rera* ke go “bonagatša maatla a Moya wo Mokgethwa.” “Maswao a a tla ba latela,” ga a tle ka go fahloša, yeo ke nnete, le a bona, “bao ba dumelago.” Ga a tle ka dithutophahlošo. A tla ka Bogona bja Modimo yo a phelago bo sepela magareng, ka nameng ya motho, a inetefatša Yenamong gore O a swana maabane, lehono, le go ya go ile. Yeo ke nnete. Ga A tsoge a šitwa go ba wa go swana. A tla bonolo kudu. Bonolo bja Lona ke se se rakago monagano wa bohlale go tloga go Lona.

²²⁵ Seo ke se se ba dirilego gosedumele Jesu. “Motho a ka kgona bjang . . . Gobaneng, O tswaletšwe sebeng, O ka kgona bjang go tla go re ruta re dire eng? Re baprista. Botatago rena e be e le baprista, borakgolo ba rena. Re, re tseba Beibele yela, ka gare le ka ntle. Gomme O leka go tla go re botša gore re dire eng?”

²²⁶ O rile, “Ke lena ba tataweno, diabolo, gomme le tla dira mediro ya gagwe.” Le a bona? Gomme, gabotse, nna, seo e be e le selo sa go tlabo go se bolela go sehlopha sa banna ba baruti boka bao.

Eupša o rile, “Gabotse, re na le Moshe. Re . . . Re a tseba.”

²²⁷ O rile, “Ge nkabe le dumetše Moshe, nkabe le Ntseba,” O rile, “ka gobane Moshe o boletše ka Nna. Moshe o boletše ka matšatši a Ka. Gomme ge le sa kgone go dumela mantšu a Moshe, le ya go Ntumela bjang?” Nnete. O rile, “Ge le sa kgone go Ntumela, bjalo ka motho, gona dumelang mediro ye Ke e dirago; e paka gore Ke nna Mang.”

²²⁸ Gabotse, seo ke selo sa go swana. Moya wo Mokgethwa wo mogolo, Mesia, Tlotšo, o tla godimo ga rena lehono, gomme O tšweletša tlwa Bophelo bja Gagwe.

²²⁹ Go no swana le ge Beethoven a tla—a tla—a tla tšweletša Beethoven gape, ge bophelo bja Beethoven bo phetše ka go nna, gobaneng, ke be nka kgona go hlama dipina. Ge bophelo bja John Dillinger bo phetše ka go nna, ke be ke tla ba mosenyi. Ge

bophelo bja—bja motho tsoko yo mongwe, e ka ba eng a bilego, seo se be se tla ba ka go nna, mo bophelong bja ka.

²³⁰ Gomme ge Bophelo bja Jesu Kriste bo le ka go wena, seo e no ba se o tla bago sona. Le a bona, seo ke tlwa, o tla dira mediro ya Gagwe. Jesu o boletše bjalo.

²³¹ Ke a tseba seo se thata gampe go batho ba ba sa dumelego ka go tša kagodimogatlhago, le go ya pele. Gomme ke thari kudu, bagwera, eupša a nke ke no bolela se go lena, feela go tswaleleng. O se ke, o se ke wa tswalela pelo ya gago go sona. Etlal, e no ba—e no ba go kwagala, tlhaologanyo, o a bona.

²³² Etlal, bala Mangwalo gomme o bone ge eba dilo tšela ke nnete, o bone ge eba yeo ke tsela yeo lefase le tsebago gore O be a le Mesia, o bone ge eba yeo ke tsela A itsebagaditšego Yenamong. Gomme ge A e dirile nako yeo ka tsela yeo go yona merafo ye mebedi ya batho, bobedi Mosamarie le Mojuda gobane ba be ba Mo lebeletše, bjale ge re Mo lebeletše. Elelwang, ba bile le mengwaga ye dikete ya go ruta, ka godimo ga mengwaga ye dikete tše pedi, ya go ruta gore O be a etla le se A bego a tla ba sona. Gomme ge A etla, yeo ke tsela ye A itsebagaditšego ka Boyena.

²³³ Gabotse, ge A etla le yena mo bofelong bja lebaka la Bantle, O swanetše go itsebagatša Yenamong ka tsela ya go swana, goba ga A swane maabane, lehono, le go ya go ile. O ba file... Ge A tlogela lebaka le la Bantle go ya ka gare, ka tlase ga kgopolو ya bohlale, gona ka kgonthe O ba gobaditše, le a bona, gobane O dirile seo go ba bontšha gore O be a le Lentšu lela. Gomme O swanetše go dira selo sa go swana.

²³⁴ Le ge ba be ba rutilwe, ba be ba le baetapele ba bagolo ba bodumedi, bona, kgole ka godimo ga se re nago le sona lehono. E be e le setšhaba, setšhaba se be se bušwa ke melao ya Beibele. Ba be ba le. Rena, re swanetše go ba, eupša, oo, kgaogelo, bohole re a tseba re milione wa dimaele go tloga go yona. Batho ga se ba kgona go phela ka go wona matšatši ka tsela ye ba phelago bjale. Banna le basadi ba bane goba ba bahlano, le basadi, ba be ba kgatlwa ka maswika go ya lehung. Gomme di—le dilo tše re di dirago lehono, le go ipitša renabeng setšhaba sa bodumedi! Re ka se kgone go dira seo... goba ba be ba ka se kgone go se dira, ke ra gore. Ba be ba kgona... Re ka kgona, eupša ba ka se kgone. Ka gore, gomme, ba be ba swanetše go rutwa. Monna yo mongwe le yo mongwe o be a swanetše go bolotšwa. O be a swanetše go ba seo, goba o be a kgatlwa ka maswika go ya lehung. Ge ebile a rwele boima bjo bontši kudu ka letšatši la Sabatha, o rwele enke ya go lekanelo go dira mangwalo a mantši kudu, o be a kgatlwa ka maswika go iša lehung. Ba be ba swanetše go ba ba bodumedi. Gomme ba ithutile Beibele yela, mosegare le bošego, gomme efela ba fošitše go tseba Mesia wa bona ge A eme

thwi magareng ga bona, ge Beibele e ba boditše seo ke tlwa se A tla bago.

²³⁵ Bjale, re tseba bjang. Ge ke re, “A ke na le seatla?” Ga ke tsebe ge eba *se* se tla dira moriti goba aowa; aowa, ke seetša se sentši kudu. Eupša ge o eme go tloga go seetsa, o lebelela seatla sa gago, o bona se moriti o logo. Ge o se wa ke wa tsoge wa bona seatla sa gago goba wa tsoge wa ipona wenamong, ge o bona se moriti wa gago o logo sona gona o tseba se o tla bago ka kgonthé, gobane o no bonagatša se o logo. Le a bona?

²³⁶ Bjale re tseba se Kriste a bego a le sona, bjalo ka moriti, ka tsela ye A iponagaditšego Yenamong. Le a bona? Gomme re tseba morago kua se A se dirilego, bjale se swanetše go bonagatšwa ka go rena. Ebangedi, Kriste, ka tsela ye A E bonagatšago kua, ka tsela ye A E bonagatšago lehono, seo se Mo dira wa go swana maabane, lehono, le go ya go ile. A le a e dumela?

²³⁷ A re inamišeng dihlogo tša rena feela nakwana bakeng sa thapelo. Bjale yo mongwe le yo mongwe feela ka tlhomphokgolo ka mo o kgonago go ba, feela dinakwana di se kae bjale.

²³⁸ Ke maswabi gore Billy ga se a tsoge a fa ntle dikarata tša thapelo. Ke—ke maswabi ka seo. Re tla ba fa, gosasa, ke a thanka, mo tirelong, goba ema . . . A le ne tirelo ya mosong? Aowa. E tla ba tirelo ya bošego, etlang gosasa bošego e ka ba ka šupa, lesomethlano la šupa, gomme le amogele dikarata tša lena tša thapelo. Re tla be re rapelela balwetši, Morena ge a rata.

²³⁹ Jesu Kriste ke mofodiši. Bjale elelwang, bagwera, ga go motho yo e logo mofodiši. Aowa. Ga go motho yo e logo Mophološi. Jesu Kriste, “O gobaditšwe ka baka la dikarogo tša gago.” Modiradibe yo mongwe le yo mongwe o lebaletšwe go tšwa go Jesu Kriste, eupša e ka se go dire botse go fihla o e amogela. “Ka megogoma ya Gagwe o fodišitšwe.” O swanetše go e dumela bjale. “O be o le,” e sego o tla ba. O šetše o le, eupša o swanetše go e amogela. Bjale o e dumela ka pelo ya gago yohle.

²⁴⁰ O re, ke be ke no nagana. Galego, ke ba bakae ka fa ka kgonthé ba e dumelago bošegong bja mathomo, emišang diatla tša lena, le dumele se ke le boditšego ke Therešo?

²⁴¹ A re rapeleng. Re ka se letele dikarata tše di itšego tša thapelo. Moya wo Mokgethwá e no ba wo mogolo bjalo ka ge A bile ge o bile le karata ya thapelo. Karata ya thapelo ga e dire selo eupša go go fa . . . [Lefelo la go se be le selo godimo ga theipi—Mor.]

²⁴² Inamišang dihlogo tša lena. Ke nyaka go le botšiša se sengwe. Nako ye nngwe, Jesu wa Nasaretha . . . Ge o ka tsoge wa ntshwara ke dira e ka ba eng sa go se be sa mangwalo, seo Beibele e sa se bolelego, o tlamegile go tla go nna, o a bona, go mpotša. Jesu Kriste o rile . . .

²⁴³ Ge A be a le mo lefaseng, O be a eya godimo go kgabaganya lewatle, gomme A ema. Gomme tseleng ya Gagwe, go bile le monna a etla go Yena, ka leina la Jairo, gomme o be a... mosetsana wa gagwe yo monnyane o be a babja kudu, gomme o be a ehwa. Gabotse, o hwile pele A fihla kua.

²⁴⁴ Gomme go be go le mosadi, mohlomongwe o be a dula godimo ga thaba, yo a kwelego ka Yena, gomme tumelo ya gagwe ka kgonth e dumetše gore e be e le, O be a le Mesia.

²⁴⁵ Kafao go bile ba bantsi ba bamangwalo le Bafarisei ba eme kgauswi, ba re, "Le se ke la theetša Monna yola. Monna yola o tla le dira le hlakahlakane gohle, le hlakahlakane. Le tla be le tlogela sinagogue. A—A ka se ke... Lena, le ka se tsebe le dumele eng. Le se ke la theetša Monna yola."

²⁴⁶ Eupša seo ga se sa ke sa emiša mosadi yo monnyane yo. Beibele e rile o bile le taba ya madi lebaka la mengwaga ye mentši. Gomme o be a feditše tšohole tša boiphedišo bja gagwe le go e fa dingaka. Gomme dingaka ntle le pelaelo ba lekile ka maatla go thuša mosadi yo monnyane, eupša ga se ba kgona go e dira. O be a sa na le tšologo ya madi, gomme o be a le yo mosehla, mohlomongwe a lebega go babja. Gomme ka pelapela, o kwele. "Ke eng lešata tlase fale mo lešing?"

Ba rile, "Moprefeta yola wa go tšwa Galelia o tla kgauswi."

"Jesu yola?"

²⁴⁷ Le a bona, Jesu e no ba leina la mehleng la Sejuda. Ke tlwaelane le batho ba bantsi ba bitšwago Jesu. Thwi moo ke dulago fale ka Arizona, ke tseba banna ba bararo goba ba bane thwi fale, ebile le badiredi, ba ba bitšwago Jesu.

²⁴⁸ Eupša yo ke Jesu Kriste, Yena motlotšwa, le a bona, Morwa wa Modimo; gomme Moprefeta yo, Jesu, o be a etla kgauswi. O tsebile seo, gore O be a le moprefeta. Gomme o tsebile gore Modimo o be a le Lentšu, gomme O tla go baprofeta ba Gagwe, kafao o rile, "Ge feela nka kgona go kgwatha kobo ya Monna yola, ke tla fola."

²⁴⁹ A le tlwaelane le kanegelo? [Phuthego e re, "Amene."—Mor.] Go lokile. Elelwang, o pinyededitše go kgabola lešaba.

²⁵⁰ Bjale, mang kapa mang o tseba seaparo sa Mapalestina, se na le seaparo sa ka fase le seaparo, gomme se lekelela go lokologa ge ba sepela. Banna bohle, basadi, le bohle, ba be ba di apara. Gomme tšona fase fase, gomme ba na le sa go swana le lekouse godimo ga maoto a bona—a bona, le dilo, go thibela lerole le dilo go dula godimo ga maoto a bona. Gomme ge ba sepela, ka nnete, seaparo se topela lerole godimo.

²⁵¹ Gomme kafao ge ba fetile, mohlomongwe o ile a swanelo go abula go ba dikologa. Gomme yo mongwe le yo mongwe o be a bea matsogo a bona go Mo dikologa, "Rabi! Semangmang!" Gomme ba bangwe ba bona ba re, "Gabotse, Yena o...ga go

selo go Yena.” Ao ke mašaba a go hlakana, ka mehla re na le ona mogohle. Eupša mosadi yo monnyane yo o tlie go kgabola gomme o kgwathile morumo wa kobo ya Gagwe.

²⁵² Seo e be e le seaparo sa Gagwe sa ka ntgentle. Bjale, wena, ke be nka se tsoge ka ikwela yona, goba o ka be o se wa dira ge nkabe ke kgwathile jase ya gago, goba o kgwathile ya ka, gomme e robetse kgahlanong le wena. Seaparo se sa go lokologa sa Mapalestina, se lekeletše bokgole *bjola* go tloga maotong a Gagwe, ka nnene, nameng, ga se A tsoge a e kwa. Gomme o kgwathile seaparo sa Gagwe, o ile morago, a dula fase, goba e ka ba eng a e dirilego.

²⁵³ Jesu o eme, gomme o rile, “Ke mang a Nkgwathilego?” A yeo ke therešo? Go lokile. Bjale šetšang.

²⁵⁴ Bjale, yoo e be e le Jesu maabane. Gomme ga go yo a boletšego selo, gomme O lebeletše go dikologa godimo ga batheeletši go fihla A hweditše fao tumelo yeo e bego e le gona, gomme A e utolla go yena. O rile, “Tumelo ya gago e go phološitše. Taba ya gago ya madi e eme.” A yeo ke nnene? “Tumelo ya gago.” Bjale, yoo e be e le Jesu maabane. Bjale ke, bjale Beibele e rile . . .

²⁵⁵ Bjale ke a tseba go na le badiredi ba bantši le dirutegi tše kgolo tša go kgona di dutše mo. Bjale a Beibele a ga e bolele, ka go Puku ya Bahebere 3, gore, “Yena gonabjale ke Moprista yo Mogolo, a phelago ka mehla go dira dipoelano godimo ga boipolelo bja rena”? A yeo ke nnene? “Moprista yo Mogolo yo a phelago ka mehla go dira poelano, gomme a ka kgona go kgwathwa ke dikwi tša mefokolo ya rena.” A yeo ke nnene? Bjale ge o Mo kgwathile, o tla tseba bjang o Mo kgwathile? O tla dira go swana le ge A dirile maabane. A yeo ke nnene? Le a bona?

²⁵⁶ Bjale ge o Mo kgwatha, Yena, e sego yo mongwe gape; Yena, wa Mo kgwatha. Yena ke Moprista yo Mogolo, gomme o Mo kgwatha ka maikutlo a mefokolo ya gago. “Morena Jesu, ke a babja. Ke swanetše go hwa, dingaka di mpotša nka se kgone go phela, eupša ka mokgwa wo mongwe . . . goba ke feditše tšelete ya ka. Ebile ga—ga ke kgone go fihlelala go ya go ngaka.” Gomme eng kapa eng go feta se bothata bja gago e lego sona, goba, le bile, “Ga se ka ba go ngaka,” eng kapa eng e lego yona. Gomme e re, “Morena Modimo, ke nna mohlanka wa Gago.” Gomme ge o se, e re, “Ke tla ba mohlanka wa Gago. Ke, ke a Go dumela. Go na le se sengwe ka ga se se badilwego bošegong bjo, gomme se rile go nna, seo se kwagalago boka Beibele. Gomme ke E badile gomme ke a tseba yeo ke therešo. Gomme monna yo o leka go hlohla tumelo ya rena mo, go hlohla tumelo ya rena, thwi mo ka Toropongkgolo New York City, New York; le go re botša gore O dula o swana, gore Wena gonabjale o Moprista yo Mogolo gomme o tla dira godimo ga selo sa go swana, ge feela nka kgona go Go kgwatha. Morena, a nke ke kgwathe kobo ya Gago.”

²⁵⁷ Bjale o tla e tseba bjang? Bjale, tsela e nnoši o e tsebago, “Bjale, ke a tseba gore Ngwanešu Branham ga a ntsebe, gomme o no ba motho, o a bona. O no ba monna a eme fale, ke phetho. Ga a tsebe selo ka nna. Eupša ge nka kgona go Go kgwatha, gona O bolela le yena le go mo dira a bolele le nna.”

²⁵⁸ Gobane, Modimo o šoma feelsa ka sedirišwa sa batho. Ke ba bakae ba tsebago seo? Seo ke tlwa. Ga A ke a dira selo ka ntile ga batho. Aowa, mohlomphegi. “Ga a dire selo go fihla pele A se utolla go baprofeta ba Gagwe.” A seo ke se Beibele e se boletšego? Bao ke bareri ba Gagwe. Ya.

²⁵⁹ Bjale o e dumela ka pelo ya gago yohle, gomme o re, “Morena Jesu, a nke . . .” Bjale le se ke—le se ke la tšhoga, la thantshelwa, le a bona; o ipinyletša wenamong, o tshelela ka godimo ga bogodimo bja yona, o leka go e dira se sengwe. Gabotse, feelsa bonolo.

²⁶⁰ Ke ba bakae ka fa ba lego mosetsebje go nna, gomme ba babja? A re go bone o phagamišetša seatla sa gago godimo, o re, “Ke—ke hloka phodišo.” Gabotse, go lokile, ka kgonagalo yo mongwe le yo mongwe.

²⁶¹ Ga ke tsebe e ka ba mang fa, tlwa, go bolela le yena, goba go tseba. Ke tseba Ngwanešu Anthony yo yo a dutšego fa. Ke . . . yeo e ka ba . . . Gomme bjale, ngwanešu, ke dumela yoo ke Ngwanešu Tyler a dutšego thwi fao, ke a dumela. A yoo ga se Ngwanešu Pat Tyler? Ya. Go lokile. Gomme ke naganne seo.

²⁶² Bjale go no tseba yo mongwe gape, nka no—nka no ba ke go bone, gomme o ka no ba o mpone, eupša Tate wa Legodimong o a tseba ga ke lemoge e ka ba mang ka nako ye morago ka fa. Ee, ke tseba mošemane yo a dutšego fa a tšea ditheipi, gobane ke yo mongwe wa bašemane ba rena ba theipi. Gomme ka ntile ga fao . . . Tatagwe o swanetše go ba fa felotsoko, gobane ke nagana ba mmogo. A o mo, Ngwanešu Sothmann? O go kae? Oo, ke moragorago ka morago. Go lokile.

²⁶³ Bjale wena ka bowena, ke a tseba re ba thari, gomme re . . . Ke a thanka re swanetše go ba re bile ntile ga fa kgale kudu, eupša feelsa—feelsa nakwana.

²⁶⁴ Go ne selo se tee go bolela e ka ba eng, gomme go ne selo se tee go Modimo go netefatša ke nnete. Bjale ge ke bolela seo o na le tokelo ya go gan—. . . Aowa, ga o ne tokelo go se se dumele, gobane ke se bala go tšwa Beibeleng, o a bona. O a bona? Eupša bjale ge Modimo a tiišetša seo go ba bjalo, gona o tla tseba ge eba ke sona goba aowa.

Bjale feelsa ka boikokobetšo a re inamišeng dihlogo tša rena bakeng sa thapelo.

²⁶⁵ Morena Jesu, ke a tseba ye ke tlhohlo ye kgolo. Ke tlhohlo yeo mohlomongwe ke—ke—ke bego ke se ka swanelo go be ke e dirile. Ga ke tsebe. Eupša go ikweleng gore ba bantsi ba batho

ba ba bile ka dikopanong pele, bona, ba a Go tseba gomme ba a tseba gore O—O ka lefaseng lehono. Gomme ba a tseba gore O—O boloka Lentšu la Gago ka go ikemela Wenamong ka boemedi bjalo motho. Gomme, Morena, ge O ka no bolela ebile le motho yo motee, goba ba babedi, goba mohlomongwe ba bararo. Gomme Le rile, “Ka molomo wa dihlatsé tše pedi goba tše tharo, a lentšu le lengwe le le lengwe le eme.” E dire bonnyane batho ba bararo mo, Morena, ba go se tsebje go nna, gore O tla bolela le bona. Gomme a nke ba kgwathé kobo ya Gago, gona O ntumelele ke no bona pono le go tseba ke bolele eng. A nke Moya wo Mokgethwa o šomiše dipounama tša ka, bjalo ka ge O dirile, le ka mogau bjalo, Morena, motho yo bjalo wa go hloka maswanedi. Gomme ga a gona wa rena a nago maswanedi, ga a gona wa rena; eupša yo mongwe o swanetše go e dira, kafao ke—ke a rapela, Modimo, gore O tla e dira bošegong bjo. A O tla dira? Feela gore go no tsebja, toropokgolo ye senyegile bakeng sa kahlolo, ka pejana. Lefase ka moka, re a tseba, le ka se kgone go ema ka go seemo se. Gomme go ka no ba batho fa bao ba ka se tsogego ba ba gape, mohlomongwe ke ka lebaka leo ke dirago se, go bolela se. Ke a rapela, Tate, gore O tla dira Lentšu le leo ke le rerilego, Ke Lentšu la Gago, a nke Le dirwe go tsebja, ka Leina la Jesu.

²⁶⁶ Bjale e nong go swara dihlogo tša lena di inamišitšwe, gomme e no rapela, e re, “Morena Jesu, a nke ke kgwathé kobo ya Gago.” Bjale ge o feditše go rapela, gona o no lebelela godimo ka tsela ye, gore o be . . .

²⁶⁷ Bjale, ga ke re lebelela go nna, bohole le tseba seo. Bjalo ka ge Petro le Johane ba fetile go kgabola kgoro ye e bitšwago ye Botse, gomme ba rile go monna wa segole, “re lebelele,” seo se be se sa re . . . Ka mantšu a mangwe, “efa šedi go se ke le botšago.”

²⁶⁸ Bjale rapelang, gomme le re, “Morena Jesu, Ngwanešu Branham ga a ntsebe, eupša O a ntseba. O no ntumelela go kgwatha kobo ya Gago, gobane o sa tšo mpotša O ‘Moprista yo Mogolo yoo a kgonago go kgwathwa ke maikutlo’ a mabofokodi a ka, gomme o mpoditše O a ‘swana maabane, lehono, le go ya go ile,’ le gore O tla arabela feela ka tsela ya go swana O dirilego nako yela ge mosadi yola a kgwathile kobo ya Gago. Gomme ka kgonthe e tla tloša pelaelo yohle go tloga go nna, gobane ke—ke tla tseba nako yeo gore O a swana maabane, lehono, le go ya go ile.”

²⁶⁹ Gomme ka gona Lengwalo le tla phethagatšwa tlwa. Re ka kgonca go tseba Jesu, bošegong bjo, bjalo ka ge re Mo tsebile nako yela. “Bahlomphegi, re rata go bona Jesu.” Ge ke sepeletše ka gare ka mabadi a dipikiri ka seatleng sa ka, ke tla ba . . . e tla ba moikaketši. O be o ka se Mo tsebe ka seo. O be o ka se Mo tsebe ka tsela ye A bego a apere. O Mo tseba ka Bophelo bja Gagwe, seo ke se se Mo tsebagaditše bjalo ka go ba Mohlanka wa Modimo, Moprefeta.

Bjale e nong go rapela, gomme le be le tumelo.

²⁷⁰ Mohumagadi šo. Ga ke nyake go bolela selo go yena, gobane le kgona go bona se e lego phošo ka yena. Mohumagadi yo a dutšego mo, ke nagana gore ke yena, o na le lehwa le a rapelago ka lona. Ga le laetše molaleng wa gagwe. Eupša o ka kgona go lebelela molala wa gagwe feela ka tsela, gomme, ge a gogetše sekhethe sa gagwe morago, se a dira. Ga ke go tsebe. Eupša ge o ka dumela ka pelo ya gago yohle, leo le tla tloga go wena. Ee. Ke—ke—ke—ke...

²⁷¹ Ge o ka no—wa no ba le tumelo bjale, se no kamaka. E no rapela, gomme o re, "Morena Jesu, ke letile go kgwatha kobo ya Gago. Ikutolle Wenamong go nna."

²⁷² O re, "O nyaka eng, Ngwanešu Branham?" Pono.

²⁷³ Bjale ebang tlhomphokgolo ka kgonthe. Le se ke, le se ke la sepela go dikologa, le a bona, le a bona, le a tsenatsena. E nong go ba le tlhomphokgolo ka kgonthe.

²⁷⁴ Fa, šetšang se, lebelelang fa. Mohumagadi šo thwi ka fa, o a rapela, o dutše, a lebeletše thwi go nna. Ke bona go rotha ga madi. Ke ka mogodung. O na le mogodu wa go tšwa madi. Ge o ka dumela! A yeo ke nnete, mohumagadi? Phagamišetša diatla tša gago godimo. Ke mosetsebje go wena. Ga ke go tsebe, eupša yeo ke therešo. Bjale a nno ema. Tumelo ya gago!

²⁷⁵ Ke nyaka go le botšiša, mosadi o kgwathile eng? Ga ke mo tsebe. Ga se nke ka ke ka mmona bophelong bja ka. E no ba mosadi, ke sohle ke se tsebago. Le a bona?

²⁷⁶ Mohumagadi šo godimo fa mo bofelong bja... ntle fa go leba bofelong bja mothalo. Feel a nako yeo ke e bone e direga, go bonagetše eke e bonagaditše go mohumagadi yo mongwe feela bjale. Yoo ke yena. O na le bothata bja mokokotlo gomme o... Se sengwe se fošagetše ka mokokotlo wa gago.

²⁷⁷ Bea seatla sa gago godimo ga mohumagadi kgauswi le wena, o na le se sengwe sa phošo ka mokokotlong wa gagwe, le yena. Go lokile. Ga a kgone le go emelela godimo le fase.

²⁷⁸ Mohumagadi yo a dutšego kgauswi le wena o a foufala, yo mongwe yo ka lehlakoreng le lengwe le, o a foufala. Ke nyaka o bee diatla tša gago godimo ga gagwe, le yena. Yeo ke nnete. Yeo ke nnete. Bjale dumela ka pelo ya gago yohle, go tla be go fedile. Bjale šetša se se diregago.

²⁷⁹ A le a dumela? Ke bona moriti wo moso o lekeletše thwi morago fa, o godimo ga mosadi wa go šokiša. O ya go hwa; o na le kankere. Le a bona, ge Modimo a sa mo kgwathe, o swanetše go hwa. Ke na le nnete o tla... Modimo, nthuše. Mdi. Katur, ge o ka dumela ka pelo ya gago yohle, Jesu Kriste o tla go dira o fole. A o a e dumela? K-a-t-u-r, ge o dumela ka pelo ya gago yohle, Jesu Kriste o go dira o fole. Emelela, mohumagadi, gomme o fe Modimo tumišo. Go lokile, o ka kgona go ya gae le go fola. Ga

se ka ke ka bona mosadi, ka bophelong bja ka. Ga se ka ke ka mmona, ka bophelong bja ka. Ke mosetsebje wa go felela go nna.

O re, “Gabotse, o biditše leina la gagwe.”

²⁸⁰ Gabotse, seo ga se sa le gona. Jesu o biditše leina la Simone, o mmoditše leina la gagwe e be e le Simone, se tatagwe a bego a le sona. A yeo ke nnete? “Bahlomphegi, re rata go bona Jesu.”

²⁸¹ “Jesu Kriste o a swana maabane, lehono, le go ya go ile.” A ga le dumele seo? A ga le dumele gore le thwi ka Bogoneng bja Gagwe bjale? Ke ba bakae ba dumelago seo? Re rata go bona Jesu bjale, Jesu Kriste! Bjale, e be e se nna yo a fodišitšego batho bale. Bjale Sese se ya gape. Le a bona? Go lokile, nno bang le tumelo.

²⁸² Ke le botša se le se dirago gonabjale. Lena badumedi beang diatla tša lena go lena seng, ka mokgwa wo, le a bona, bea seatla sa gago go yo mongwe kgauswi le wena. Jesu, ke ya go tsopola Mantšu a mafelelo A a boletšego ge A tlogela lefase, “Maswao a a tla latela bona ba ba dumelago.” A le rile le dumetše? “Maswao a a tla latela bona ba ba dumelago.”

²⁸³ Nnete, re ne tumelo gomme re ne gosedumele, di hlakane. Ka mehla re na le seo. Ka mehla go ne magoro a mararo a batho; badumedi, baitirabadumedi, le basedumele. Gomme re na le yeo, le rena. Eupša thapelo ya gago bjale, moo o dutšego, eba le tumelo bakeng sa motho yo o nago diatla tša gago godimo ga gagwe. “Dumela,” Jesu Kriste o boletše se.

²⁸⁴ Elelwang bjale, ge le sa dumele, phafogang kudu, gobane malwetsi a a tloga go yo motee go ya go yo mongwe. Re tseba seo. Re e bala ka Beibeleng, moo meboya ye mebe e tšwilego go yo mongwe go ya thwi ka go yo mongwe. Gomme re e bona yohle . . . Ba bantši ba lena le bile ka dikopanong gomme le e bone. Ge seo e le therešo, e reng, “Amene.” [Phuthego e re, “Amene.”—Mor.] Kgonthe, batho ba golofetše, le go rathwa go ba dimuma, ba hwa, thwi fale ka kopanong, se sengwe le se sengwe.

²⁸⁵ Bjale ka tsela ye o rapelago, ga o ithapelele wenamong. O rapelela yo o nago le diatla tša gago godimo ga gagwe. O a bona, o a ba rapelela.

²⁸⁶ Gomme bjale ge go na le motho ka fa, ge ba sa kgokagane ka mokgwa wola, yoo a sego Mokriste, gomme o nyaka go amogela Kriste bjalo ka Mophološi wa gago, a o ka e dira e tsebje ka go no ema ka maoto a gago, o re, “Ke nyaka go amogela Jesu bjalo ka Mophološi wa ka, gonabjale, ka Bogoneng bja Gagwe. Ke nyaka go emelela, go bontšha phuthego ye, ke nna bopaki go Jesu Kriste. Ke tla Mo amogela gonabjale, bjalo ka Mophološi wa ka.” Ge o se wa ke wa dira se pele, o na le monyetla wa gago go ema bjale. O tla . . . O a Mo emela bjale, O tla go emela moragwana ge o le—o le Setulong sa Kahlolo. Ge o se Mokriste, e amogele bjale.

²⁸⁷ Gomme lena ba le nago le diatla tša lena yo motee godimo ga yo mongwe bjale, rapeelaneng seng. Bjale elelwang, ba a go

rapelela, o a ba rapelela. Bjale ke ya go rapela godimo fa, le lena, bakeng sa batho ba bohle.

²⁸⁸ Modimo a go šegofatše morago fao, ngwanešu wa ka. Modimo wa Legodimo, eba le kgaogelo. Seo se kaone kudu, selo sa bogale. A go ka ba yo mongwe a ka emago, a re . . . Jesu o a go tseba. "Ga go motho a ka tlago . . ." Modimo a go šegofatše, kgaetšedi. Seo se kaone.

²⁸⁹ Go no bona Bogona bja Jesu Kriste bo etla ka kopanong le go dira tlwa se A se dirilego ka Lengwalong. Seo ga se kgonagale ka go felela go motho go dira seo. Go tsea Moya go dira seo.

²⁹⁰ Bjale ge le nyaka go O bitša, boka Bafarisei, "moya wo mobe," gona le tla amogela moputso woo.

²⁹¹ Gomme ge o O bitša, "Moya wa Modimo," gona O amogele. O amogele bjalo ka Mophološi wa gago, ka gore Yena ke Jesu Kriste, ke Mophološi a nnoši wa lefase. Gomme Yena ke—Yena ke Morwa wa Modimo, o go hwetše, O fa bošegong bjo ka go motho wa Moya wo Mokgethwa. O sa le Jesu, e sa le Jesu Kriste ka go motho wa Moya wo Mokgethwa, e lego Kriste ka sebopego sa Moya. Gomme ge o se wa ke wa Mo amogela bjalo ka Mophološi, a o ka no emelela, o a tseba, gomme O tla go hlatsetša ge o ka Mo hlatsela.

²⁹² Ba bangwe ba emeletše. Ge go na le yo mongwe, thwi ka pelapela pele re rapela; Modimo a go šegofatše. Modimo a go šegofatše. Modimo a go šegofatše, wena, wena, ka Bogoneng bja Gagwe. Seo ke se sekaone. Ba bantsi, seo ke se sekaone. Modimo a go šegofatše. Modimo a go šegofatše, kgaetšedi. Modimo a go šegofatše, moragorago, monna o šetše a eme, o phagamišitše diatla tša gagwe. Modimo a go šegofatše. Gomme Modimo a go šegofatše. Seo se lokile. Modimo a go šegofatše. Seo se a makatša. Seo ke therešo. Mo tšee thwi bjale.

²⁹³ Elelwang, gonabjale, Leineng la Jesu Kriste, ga go bophelo ka mo bjo bo ka kgonago go utagala go tloga go Modimo gonabjale, eupša bjo A ka kgonago go bo utolla go nna feela tlwa. Le tseba seo. Lena, ba bantsi ba lena le bile ka gare; lena bohle bao le bilego ka dikopanong pele, gomme go no E bona e tsea go boaboa go gontši, e reng, "Amene." [Phuthego e re, "Amene."—Mor.] Kgonthe. Le a tseba ke therešo. Gomme gonabjale, ke a tseba go ne batho fa bao ba swanetšego go ineela bonabeng go Kriste. Hle e dire. Hle e dire bjale ge o—ge o sa na le sebaka, ka Bogoneng bjo Bokgethwa bja Gagwe. Oo, hlodišišang! Re ka no ba thari kudu go feta ka mo re naganago, gonabjale.

²⁹⁴ Ge Yena, Bogona bja Gagwe bja go hlomphega, bo etla ka gare le go re šegofatša, le go netefatša ka Lengwalo, Yena šo, Lentšu le tiišeditšwe. Batho ba seswai goba lesome ba thwi mo, ba fodile, ba dutše thwi mo. Gomme ke go feta. Ge o ka tšea lentšu la ka, bjalo ka mohlanka wa Gagwe, Seetša sela seo le

se bonago ka seswantshong seo saense e nago naso thwi fa ka Washington, DC, bjalo ka, "Sephedi sa kagodimogatlhago se nnoši se kilego sa tšewa," Seetša sela se no dikologa moago wo, go dikologa le go dikologa, le go dikologa le go dikologa. Bjale, yeo ke nnete.

²⁹⁵ Bjale le a dumela. Jesu Kriste o rile, Mantšu a mafelelo A a boletšego ge A tlogela lefase, "Maswao a a tla latela bona ba ba dumelago. Ge ba bea diatla tša bona godimo ga balwetši, ba tla welwa ke maruru."

²⁹⁶ "Gomme O amogetšwe godimo ka Letagong. Gomme ba ile pele mogohle, ba rera, Morena a šoma ka bona, a tiišetša Lentšu ka maswao a latela."

²⁹⁷ Rapelelang seng sa lena bjale ge ke le rapelela go tšwa phuluphithing ye.

²⁹⁸ Morena Jesu, Morwa wa Modimo Yo a tsogilego go tšwa bahung, ka letšatši la boraro, lehu le hele ga se di kgone go Mo swara. O rotogetše Godimo, a dula ka seatleng se setona sa Bogoši Godimo, go moo A phelago ka mehla go dira dipoelano godimo ga boipolelo bja rena. Gomme bjale, gomme Bogona bja Gagwe bjo bohlokwa fa ka sebopego sa Moya wo Mokgethwa, bjo bo dirilego mošomo le go bona megopoloye e lego ka dipelong tša batho, o ba boditše malwetši a bona, a ba bega go fola. O Modimo, go bona mošomo wa Gago wo mogolo wo maatla; go tseba gore ka go le la go tanngwa, letšatši la go hlakana, la go tlala dipolitiki, la go tlala dipolitiki tša kereke, la go tlala mehuta yohle ya dilo, efela Modimo wa go phela o thwi gona le rena fa bošegong bjo. Ga go thutophahlošo, ga go selo eupša bohlatsa, Moya wo Mokgethwa, thwi magareng ga rena, Jesu Kriste a dira dilo tše bjalo ka ge A dirile ge A be a le mo lefaseng. O Modimo, eba le kgaogelo!

²⁹⁹ Gomme, Sathane, o bona diatla tša batho ba di beilwe godimo ga yo mongwe go yo mongwe. O sephedi se se fentšwego. O ka se sa swara batho ba. Ke a go laela, Leineng la Jesu Kriste, Morwa wa Modimo, gore o bofolle batho ba le go tšwa go bona. Etšwang, bolwetši le tlaišego, go tšwa go batho ba. Ke a go laela, Leineng la Jesu Kriste, gore o ba tlogele.

³⁰⁰ E dumele bjale ka pelo ya gago yohle! Ge o e dumela, emeleta ka maoto a gago bjale gomme o e amogelete. Bea diatla tša gago godimo go Modimo, e re, "Bjale ke amogela phodišo ya ka. Ke a dumela." Bjale emišang diatla tša lena gomme le Mo fe tumišo, le re, "Ke a Go leboga, Morena Jesu!"



MOHLOMPHEGI, RE RATA GO BONA JESU NST63-1112
(Sir, We Would See Jesus)

Molaetša wo ka Ngwanešu William Marrion Branham, setlogong o abilwe ka Seisimane ka Labobedi mantšiboa, Nofemere 12, 1963, ka Marc Ballroom ka New York, New York, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org